


BL
1900
L25C66
1740
v.3



老子元翼卷下

北海焦 竑弱侯原輯

長白蘇

伍光裕
緝希餘

全閱梓

山陽郭乾泗義一重較

下經

上德不德。是以有德。下德不失德。是以無德。上德無爲。而無以爲。下德爲之。而有以爲。上仁爲之。而無以爲。上義爲之。而有以爲。上禮爲之。而莫之應。則攘臂而仍之。故失道而後德。失德而後仁。失仁而後義。失義而後禮。

夫禮者。忠信之薄。而亂之首也。前識者。道之華。而愚之始也。是以大丈夫處其厚。不處其薄。居其實。不居其華。故去彼取此。無以爲以無爲用也。有以爲以有爲用也。忠信心契爲上。故曰上禮。而欲達之則已。非心契而莫之應者。則拱臂以仍其已意也。爲恭爲慢。則有辭色矣。而亂之首於此者。不循循於禮初之義也。故曰忠信之薄。而亂之首也。處其厚實。卽忠信不薄也。不居華薄。卽上禮誠實也。夫禮之夫平聲。仍再也。合內外言之也。處上聲。

第三十八章

贅筆至德不德。故無不德。至仁不仁。故無不仁。以無爲自然而爲之也。大

義無方。大禮必簡。凡聰明外露者。是謂德有心。而心有睫。而愚之始也。是以大丈夫和光同塵。應於物之中。而游於物之始。故去彼。

蘇子由註

聖人從心所欲不踰矩非有意於德而德自足是謂上德而曰有其次非爲不成以其有

以爲德者而爲之克復以求故較於上德而曰無以
上德無爲而無以爲下德爲之而有以爲也唯造成
德於先後者故有上下之名而分於德之爲者名不
可有下矣是以上仁以無以爲而施與故同於上德
而遜於上德之無心上義以有以爲而擇與故同於
下德而皆遜於上仁也以仁爲德有心於已上義有心
於人固未若上仁有於人而無心而上仁又未若人
已皆有而皆無心之上德也自德降而至於禮聖人
之所以齊民者極矣故記之禮運大道之行也上世
之謂也又曰大道既隱故未有不謹於禮者也蓋禮
爲齊其不齊由人之本有之德而先制其名焉顧君
臣父子之間禮具樸誠雖雍容進退止著其發越之
美而華不實者雖其外燦然則中無餘矣治亂之於
禮厚薄之間不能以髮故於大丈夫居處實厚也

呂吉甫註

上德者以無得爲得唯其無得故無不得是
謂有德下德者以不失爲得者也唯其不失

爲得故執著而非德是以無德上德以渾化爲有德
下德以未化爲無德非謂無德也上德無爲非故無
爲也率德自然而實無以爲也下德不出此而爲之
故不能不有以爲也上仁者之於仁無所事仁而仁
者也。是爲之而無以爲也上義者不得不爲者也是
爲之而有以爲也仁者施之而已義則擇所施之宜
也。未責所報也禮則施報矣上禮爲之以交接其忠
信也。未有夫爭及莫之應也則仍之以拱繼之以攘
而爭之所由起是故非之所由作也由是觀之失道
而後德失德而後仁失仁而後義失義而後禮禮失
而爭是非忠信薄矣豈虛言哉夫以大道之

隆於前識之華者而有以知夫愚自此始

息齋註

上德不德則在仁爲仁在義爲義惟其所之未
嘗執也下德不失德則仁之不可爲義義之不

可爲禮既定名而爲固不能通也孰能化斯民物於
事理玄該也上德不失道道常無爲而無爲之化不
自有若無以爲也下德不失德德則有爲凡所爲者

竟同於下德矣。下德以執德不失。上義以擇善所宜。雖名殊而固其爲則同。此皆有於物而不爭者也。上禮不出。猶然全體也。及出之也。則有條貫分辨。應之則合。不應則攘而仍之。夫欲彼應也。而或不應。則攘而應之。是謂仍矣。禮至於攘而應。近爭之道也。由禮之一降而再。再而三。則紛紛矣。故夫禮者。由亂而叙也。因有分別之差等。無禮則亂。爰立禮以救之。然德至於分別。至於攘臂而仍之。則禮亦隨之而失。然則禮者之末。其不謂之亂之首乎。前識者。由其流爲多。知惑亂本真。知不從真。故浮妄無實。然則識者之前。尚名見於華。而啟愚之始。況識散乎。故禮爲忠信之薄。而識爲道露之華。是以大丈夫寧處其德之厚。不處其薄。寧居其道之實。不居其華。故常不失道本。

宏甫註

太上固無爲而道自然也。上德之世。以無以爲也。故無爲是謂上德。黃帝是也。其次之世。以爲之也。而無以爲是謂上仁。堯之仁如天是也。又其次不惟爲之。而且有擇爲之執。是謂上義。舜禹以下之

聖人是也。夫失道而德失，德而仁失，仁而義至於失。義而後禮，禮失而救之，止於此矣。蔑有加以進矣。而爲之攘臂而爲之甲兵，相循於末，何不相循於其本耶？凡此者，以識而前用也，非道本也。道之華也，有真智者，所不處也。恐爲愚民之始用也。況夫仁義禮之華乎？夫華者非實，薄則不厚，安有大丈夫不知所處乎？知有所處，固當以識返樸，循末求本。若此者，是謂有以爲而之乎？無以爲，大道可幾，以至於無爲也。

嚴君平解

虛無無爲，開導萬物，謂之道人。清靜因應，無所不爲，謂之德人。兼愛萬物，博施無窮，謂之

仁人。理名正實，處事之宜，謂之義人。謙退辭遜，恭以守和，謂之禮人。此五者，皆可道之道，猶非至至者也。至至者，一尚不存，安有其五？故帝王根本，道爲之元，德爲之始，道失而德次之，德失而仁次之，仁失而義次之，義失而禮次之，禮失而亂次之。凡此五者，道之以一體，而世主之長短也。故所爲非道之所欲，所求非道之所得，不務自然，而務小薄者，皆短也。夫上禮

詐僞所起，忿爭所因，故莊子曰：聖人行不言之教，道不可致，德不可至，仁可爲也，義可虧也，禮相僞也，此之謂也。

韓非解

仁者，謂其中心欣然愛人也，其喜人之有福，而惡人之有禍也，生心之所不能已也，非求其報也，故曰：上仁爲之，而無以爲也。義者，君臣上下之宜，父子貴賤之守，遠近知交之固，物我始終之成也，故曰：上義爲之，而有以爲也。禮者，所以貌情也，羣義之文章也，君臣父子之體也，貴賤賢不肖之理也，中心懷而不喻，故疾趨卑拜以明之，實心愛而不知，故好言繁辭以信之。禮者，形於外而諭諸內也，故曰：禮以情貌也。凡人之爲外物動也，不知其爲身之理也。夫衆人之爲禮，以尊他人也，故時勸時衰。君子之爲禮，以理其身也，故神之爲上禮，上禮神而人或不能應，或不應者，以不知神之爲上禮也，故曰：上禮爲之，而莫之應，衆人雖或不應，聖人之復恭敬，盡手足之禮，也不衰，故曰：攘臂而仍之，終不失禮也，終不以較也。

忠恕之道也。故君子之於不知，有以取之也。夫君子取情而去貌，好質而惡飾，夫恃貌而論情者，其情惡也。須飾而論質者，其質衰也。何以論之和氏之璧，不飾以五彩，隋侯之珠，不飾以銀黃，其質至美，物不足以飾之。夫物之待飾而後行者，其質不美也。是以父子之間，具禮而不明，具禮非薄，正見其厚也。由是觀之，禮繁者，實心衰也。然則聖人之爲禮者，事通人之樸心者也。衆人之爲禮者，人應則輕歡，不應則責怨。今以聖人之爲禮者，事通人之樸心，而資之以衆人之責怨，能不相舛乎？相舛則狃而爲爭，爲爭則亂，而不分本末矣。故曰：夫禮者，忠信之薄，而亂之首乎。

筆乘

首亂始愚，極言禮智流弊所至耳。莊子舉老子此言而論之曰：今已爲物也，欲復歸根，不亦難乎？其易也，其惟大人乎？雖然，旣歸其根，孰爲物？孰爲非物？故又曰：匿而不可不爲者，事也；遠而不可不居者，義也；親而不可不廣者，仁也；節而不可不積者，禮也。中

聖人百慮同歸。一際俱泯。豈復有彼此去取也。

昔之得一者。天得一以清。地得一以寧。神得一以靈。谷得一以盈。萬物得一以生。侯王得一以爲天下貞。其致之一也。天無以清。將恐裂。地無以寧。將恐發。神無以靈。將恐歇。谷無以盈。將恐竭。萬物無以生。將恐滅。侯王無以貞貴高。將恐蹙。故貴以賤爲本。高以下爲基。是以侯王自謂孤寡不穀。此其以賤爲本耶。非乎。故致數車無車。不欲琰琰如玉。落落如石。

谷以虛爲盈。故衆聲響應也。裂。破裂也。發。發泄也。歇。

消歇也。竭。枯竭也。蹙。音厥。顛仆也。不穀。不得其養者數。上聲。琰。音六。玉貌。又少也。落落。難合也。又多也。

第三十九章

贅筆一者太極中含天地古今終始循環而不息者天地谷神人物侯王

其致之一也故放之彌六合卷之藏於密彌則爲貴高藏則爲賤下是以貴高以賤下爲基本而侯王自謂孤寡不穀也其以爲本者早於此矣是車因輻輳之衆而有車之名玉因磊石之多而有玉之貴故不欲琰琰以自貴落落而棄本也

蘇註

一道也物之所以得爲物者皆道也天下之人見物而忘道天知其清而已地知其寧而已神知其

靈而已谷知其盈而已萬物知其生而已侯王知其爲天下貞而已不知其所以得此者皆道存焉耳致

之言極也極致本末之謂也天一而未清未遽裂也

地一而未寧未遽發也神一而未靈未遽歇也萬物

一而未生未遽滅也侯王一而未貞未遽蹙也是皆

將恐之謂也然必至於一方爲至耳夫一果何物而

生焉焉視之不見視之不得則亦至微也人則因微

會而爲車、物物可數、而車不可數、然後知無車之先、散衆爲用、而名殊、有車之後、合衆爲用、而名一、故天地不毀、萬物爲大、而侯王自合、孤寡而貴、皆致一之道也、故一處散、非賤處大、一者貴於微、故不欲如玉之瑑瑑、貴而忘於衆寡、石之落落、賤而忘於一貴也、

呂註

太極未分、一而已、得是太一之道、故能清能寧、能靈能盈、能生能貞、故謂之得一也、昔之得一者、莫不然也、仰之而天也、得一以清、故覆焉而不損、俯之而地也、得一以寧、故載焉而不蔽、默而之神也、得一以靈、故妙乎有生而長存、虛而之谷也、得一以盈、故應乎所感而生聲、其衆爲萬物也、以得一、故能無盡而生生、其尊爲侯王也、以得一、故能臨御而貞正、夫一之不可不致也、如此、故一者、天之所以清、地之所以寧、神之所以靈、谷之所以盈、萬物之所以生、而侯王之所以貞者也、使無清則裂、無寧則發、無靈則歇、無盈則竭、無以生則滅、無以貞而貴、高將恐蹙、邪故貴以賤爲本、而貴者莫不因賤而顯也、高以下爲基、

而高者莫不因下之立也、然則貴而無其貴、高而無其高、乃侯王之所以爲天下貞而不蹙者也、是以孤寡不穀、人之所惡爲賤之也、而貴高以爲稱者、以其所本爲在此也、故致數而極之、以至於一、則貴不遺乎賤、高必培乎卑、而貴賤卑高、常相須以成、故道通爲一、凡所謂者、玉可貴、故琰之、石可賤、故落之、以其不欲琰琰如玉、落落如石、

不可得而貴賤之謂也、

息齋註

孔子曰、吾道一以貫之、一者何也、天之清、地之

不同、知天之所以清、卽知地之所以寧、知神之所以靈、卽知谷之所以盈、知物之所以生、卽知侯王之所以以貞、易曰、天下殊途而同歸、百慮而一致、天下何思何慮、言其未嘗不一也、若不知一、則必自異、自異則絕物、侯王絕物、則何以爲侯王也、故貴以賤爲本、高以下爲基、侯王自稱孤寡不穀、此豈非知貴以賤爲本耶、輪蓋輻軫、會而爲車、物物有名、而車不可名、仁

外見貴者如玉見賤者如石而人始得而貴賤之矣

宏甫註

侯王不知致一之道與庶人同等故不免以貴

何也致一之理庶人得之非下侯王失之非高故於
貴之跡外而得其所以為貴者自忘乎其貴之跡矣
特未之思之耳視夫貴者之忘跡一分即有一分之
實至渾忘其跡也必已敦乎大道無疑何以故蓋有
於此無於彼失於跡得於道自然之理也故喻之以
車數之異同而玉石異同自見皆致一忘一之道也
反者道之動弱者道之用天下之物生於有有生於無

反復也蓋動靜者在一反復之間耳須溪云反者動
之極極則必歸又是其反也正以其動也非動無反

第四十章

強因弱而用故有生弱息之微幾存存

之謂道義之門二之一者也天下者動用之
常即因乎常有而慎守常無非離非即者也

蘇註

復性則靜矣。然其寂然不動。感而遂通天下之故。則動之所自起也。道無形無聲。天下之弱者莫如道。然而天下之至強者莫能加。此其所以能用萬物也。世不知靜之爲動。弱之爲強。故告之以物之所自生者。蓋天下之物。聞有母制子。未聞以子制母者也。

介甫解

道之用。所以在於弱者。以虛而已。卽在天者而觀之。指我亦勝我。躋我亦勝我。則風之行乎太虛。可謂弱矣。然無一物不在。所鼓舞無一形不在。所披拂。則風之用在乎弱也。卽在地者而觀之。決諸東方。則東流。決諸西方。則西流。則水之託於淵虛。可謂弱矣。然處衆人之所惡。而攻堅強者。莫之能先。則水之用在乎弱也。又曰。反非所以爲動也。然有所謂動者。蓋動則能反也。弱非所以爲強也。然有所謂強者。蓋弱則能強也。雖然言反而不言靜。言弱而不言強。以言動則知反之爲靜。言弱則知用之爲強也。天下之物。生於有。有生於

呂訓 樞始得其環中、以應無窮者是也、運動乎天地、非
不强也、而其用常在於弱、所謂天下之至柔、馳騁天
下之至堅、無有入於無間者是也、故天下之物生於
有、有生於無、唯有爲能生天下之物、而無又能生天
下之有、則道之動在於反、而其用在於弱、可知已、然
則欲反而弱用者、無他、
致一以極乎無而已矣、

趙志堅註

反、歸本也、凡人以移故就新爲動、爲道者、捨
末反本、卽反爲動、蓋身心安寂、不動也、捨有

歸無、云動也、故去有遠近、歸則一反耳、道無來往、而
有遠返之名、心本安然而有反動之義、內心虛靜、外
行柔弱者是反本之行、故云弱者道之用、有者氣也、
物雖未形、已有是氣、故云有、天地萬法、從一氣而生、
故云物生於有、無道也、一氣從道生、故云有生於無、
推極生源、指道爲極、欲令學者歸心有所反於此也、
息齋註 曰、天下萬物、動而二有、必自有反無、然後爲道、故
曰反者道之動、天下之強、皆生於弱、必反強爲

弱則可漸求於道故曰弱者道之用
反者自有而求無弱者致無而求道

筆乘

天下之物生於有所謂有名萬物之母是已有生
於無所謂無名天地之始是已無必生有是故貴
其反反者反於無也有必生強是故貴其弱弱者
有之用也事道者因弱而用有故能因動而反無

上士聞道勤而行之中士聞道若存若亡下士聞道大

笑之不笑不足以爲道故建言有之明道若昧進道若

退夷道若類上德若谷大白若辱廣德若不足建德若

偷質真若渝大方無隅大器晚成大音希聲大象無形

道隱無名夫唯道善貸且成
建、立也古之立言者云云
渝、羊劬反變也又汙也傳

奕云應人之乏而終以見還曰貸又寬貸也趙志堅

荷成速歸於道故至明若昧至進若退至平若不齊
至德若無有至白不白至足不足建德恐人知質真
同於俗大方無界限故居無所偏大器不近成太音
不小鳴總之為大象無形故道隱無名
若然者固下士不笑不足以為至道也

第四十一章

贊筆德至於至則反同於俗而隱於
無名為下士所為笑不如建言之有

之德猶未至造道之士下進於中中進於上上
至於至則無不至無不至無不平常之至也夫
蘊道之大可一旦豁然貫通而成道之大非勤
行至言於終久不可至也故善寬貸而待其成
希聲註
易曰形而上者謂之道道也者通乎形外者也
形而下者謂之器器也者止乎形內者也上士
知微知彰通乎形外故聞道而信則勤行之中士在
微彰之際處道器之間故聞道而疑信相半故若存
若亡下士知彰而不知微知器而不知道止乎形內
故聞道則大笑之不唯笑之且將非之矣夫道也者

微妙玄通，深不可識，苟不爲下士所非笑，則不足以爲道矣。夫體道者，全吾體之用者也。苟全之，亦分所當然。何所驚異？故與日月合其貞明，而其光不耀；斯明道若昧，與天地合其簡易，而其用不可爲涯岸；斯夷道若類，與四時合其運行，而其動必反於初；斯進道若退，常處虛晦，而終不可窒；斯上德若谷，常處溷濁，而終不可涅；斯大白若辱，衣被天下，而不有其仁；斯廣德若不足，生畜萬物，而不顯其功；斯建德若偷，復其性以御其情，斯質真若渝，正乎內而行乎外；斯大方無隅，以若拙之匠，陶甄天下，而不爲近功；斯大器晚成也，以不言之教，鼓動萬物，而不事小說；斯大音希聲也，有無有，莫識其體，斯大象無形也，爲無爲，莫覩其用，斯道隱無名也。夫唯善濟貸於萬物，而不責其報，是以萬物受其生成，而不知其德，故下士聞此道而笑之，不信其能若此耳。

道非形可見，非聲可聞，不先知萬物之妄，廓然無

聞道與之存亡出沒而疑之惟了然見之者然後勤
行服膺而不怠孔子曰語之而不惰者其回也與斯
所謂上士也哉建立也古之立言者有是說而老子
取之下之所陳者是也無所不照而非察也若止不
行而天下之速者莫之或先也或夷或類所至則半
而未嘗削也上德不德如谷之虛也大白若辱者藉
使白而不受污此不屑不潔之士而非聖人也廣德
若不足者藉使廣大而不可復加則止於此而已而
非廣大也建德若偷者因物之自然而立之物固不
知也故若偷質真若渝者體聖抱神隨物變化而不
失其貞者故若渝大方無隅全其大方不小立圭角
也大器晚成器大不可近用也大音希聲非耳之所
得聞也大象無形非目之所得見也故道之所寓無
所不見凡此十二者皆道之可見者也而道之大全
則隱於無名而不可見之者也惟其所寓也推其所
餘以貸不足物之
賴之以成者如此

呂註

孔子曰朝聞道夕死可矣則聞道豈世俗之謂死也真聞之則無所復疑特勤而行之而已矣夫道亦何勤行爲哉曰觀諸心以契其所聞而修諸身爲無爲而該宗不可須臾離則勤行之謂也中士聞道聞之而未審焉者也故若存若亡則不能勤行之一出焉一入焉而已矣下士聞道聞之而不信者也故大笑之所以大笑者以情計求之不得故也冥冥之中獨見曉焉無聲之中獨聞和焉是之謂明道若昧和之以是非而休乎天均則無物不然無物不可是之謂夷道若類爲道者曰損損之又損之以至於無爲是之謂進道若退上德無爲而無以爲者也然虛無服從方能其應如響斯不亦若谷乎大白者滌除玄覽而無疵者也然太白方能受天下之垢而不汩斯不亦若辱乎德廣者廓乎其無不有容也而未嘗自見自是自矜自伐也斯不亦若不足乎建德者建之以常無有乃確然有見者也常無有確然

北夷然四解淪於不測無東無西始於玄冥返於大通此大方之無隅也大器不器故大成若缺然日計之而不足歲計之而有餘此大器之晚成也大音者聽之不可聞故希聲大象者視之不可見故無形凡此者皆至道之行也然謂之明而若昧謂之夷而若類謂之進而若退以至音而希聲象而無形名與實常若相反者唯體至道爲能如此故鮮於道者於善貸者貸之且不失其寬容之德以成之也唯成之者以不有報其成是謂善貸且成而與於至道冥冥焉

元澤註

竊嘗論此章曰道不遠人人自遠道不明故也故首之以明道大道甚夷而惟明者能由之以進故曰夷道也能進於夷道者復性命之常道也進於此而無有加於此進也故曰上德上德者純一太素故曰太白唯太素之非烟非霧虛明若谷故若昧若辱而上德廣矣唯德廣也故若類若退若不足也建是德也人故不知也故若偷建則立於確然要在去其妄僞不易吾真故次之以質真其序至此則道

之在我者體具而無方可測矣故曰大方無隅有大
方無隅之體則所以應無方之用故曰大器大器者
非一音之可聞也故曰大音非一象之可見也故曰
大象唯不可以見聞故希聲而無形矣道至於無形
無名則上天之載至矣至道則隱於是矣貸於此者且不日而成之矣

息齋註

上士聞道雖衆人非之不能使之不勤中士聞
道雖不能無信亦不能使之無疑下士聞道雖

聖人復起不能使之不笑蓋膠於臆是一說者天下
皆是也彼方以似是而非今遂告以無非而是能不
疑且笑乎故不笑不足以爲道亦理之宜然也上士
之勤非能勤也有見而勤下士之笑非故笑也無見
而笑上不至於勤下不至於笑不能無見又不能信
其所見雖使之不疑不可得也古之立言蓋有之矣
明道者自明外不得而見其明故曰若昧進道者自
進外不得而知其進故曰若退夷道者無不平外不
得而擬其平故曰若類上德者無不容外不得而知

足建德者不自有外不得而明其建故曰若偷質真者固不變雖泛應於外而天真渾然不露故曰若淪大方無隅非廉隅之可盡也大器晚成非小器之可能也大音希聲非小聰之可聞也大象無形非小明之可見也故中下之士孰得而議之方以寔昧寔退寔類寔辱寔偷寔淪侮且笑之也蓋大道無名隱而不可見至其善貸曲成乃其自然者也非強也上士知其無名荷其貸而識其大故存而或論其名中下之士執其貸且成者不能知其全而有以論其名而議其跡紛紛以辯矣此所以愈論愈議愈辯而愈遠矣

愈論愈議愈辯而愈遠矣

筆乘

筆乘上士者恬淡虛無無爲無執者也勤於此則勤行之至而寔無所勤行也斯所謂天然懸解而下士惡足以知之君平曰中士所問非至美也下士所見非至善也中士所眩下士所笑乃美善之美善者也

道生一一生二二生三三三萬物萬物負陰而抱陽冲

氣以為和。人之所惡。惟孤寡不穀。而王公以為稱。故物

或損之而益。或益之而損。人之所教。我亦教之。強梁者

不得其死。吾將以為教父。凡動物背止於後。陰靜也。心

向暖也。冲氣運乎其間。故皆曰抱陽。木伐負水為梁。負棟亦曰梁。取其力強者為之。故曰強梁。金人銘曰。

強梁者不得其死。好勝者必遇其敵。蓋古人嘗以此為教。而我亦教之。但老子獨尊之曰教父者。如言萬

物之母之謂。母主養。父主教。故嚴父慈母兼而為教。故曰教父也。

第四十二章

養筆形陰而動陽。冲和造妙。人物之生。勻一也。有所生則有所養。類首推

則孤寡不偶者。失養。人所惡得。而難與偶之尊者。以稱為養之義深矣。故或之損益。天地也。而教之。而慈愛之也。其唯君師之體受也耶。故雖

以為教父

蘇註

夫道渾然也。及其運而生物。道一而物形不一。故以一名道。然而道既生物。而形運者也。故在形為

形。在運為運。則非一也。形與運為二。二合一生。自是以往。而有萬不同。莫不負陰而抱陽。冲氣以為和者也。蓋道運生三。而三才定矣。三生而至於萬。萬理昭然。皆道之自然也。世之人不知萬物之所自生。莫不賤寡小而貴多大。然王公多大之尊。一而無匹也。故自稱孤寡不穀。古之先達。蓋久已知之矣。

呂註

道之在天下。莫與之偶者。一而已。故曰道生一。唯無一則已。苟謂之一。則有名矣。一名道母。母含清

濁。分而為二。二互相成。冲氣以為和。而為三矣。故曰三生萬物。有生者。莫不負有形之陰。而抱昭明之陽也。故曰萬物負陰而抱陽。負則背之。抱則向之也。雖然。有冲氣以為之和也。和也者。合也。蓋陰陽雖二。冲氣為和。則一也。萬物不得一。則無以生。故人之生也。不務抱元守一。而務靡麗紛華。唯所務者。靡麗紛華。

則所惡者孤寡不穀也。是以古之制名臨民以其人所惡。爲王公自稱者。欲其貴念在賤。富念在貧。抱而知所負。本而齊所未。不使一夫有不被乎太和元氣而後已。故雖物之或不齊。損之而益。益之而損。時乃天道也。而責之在君師者。教養也。故人之所教。亦我義教之。我之所教者。道也。教不我義。則非道也。蓋唯孤寡不穀者。矜哀而教養之矣。或者強梁者。將不得其死耶。孰忍視耶。故太上將以爲父師之嚴而慈教之矣。

息齋註

道生一。萬物抱陽一也。負陰二也。陰陽交而冲氣爲和三也。萬物孰不具此三者。然要其本則

必歸於道。道者一之始也。由其本歸於道。故未必歸本。是以天下之物。或損之而益。或益之而損。孤寡而爲王公。稱蓋損之生益也。強梁而不得其死。蓋益之生損也。夫損益同源。故殊途一致。吾將以爲教。爰教民歸。

知無爲之有益。不言之教。無爲之益。天下希及之。

馳騁役使

也。無有卽無之有也。在有無之間。誠則明矣。至堅形剛者。無間。內定者。定莫能破。無有能入之。剛莫能勝。至柔能役之。知幾其神乎。至於是自能無爲而不言之能教矣。故益之大也。天下希及之也。

第四十三章

資筆太冲莫勝。至柔而無有也。天下至堅無間者。而馳騁開闔之。是知至

道所及。不令而從。至教冥孚。不言而化。天下之有爲有教者。常希而及之。

蘇註

以堅御堅。不折則碎。以柔御堅。柔亦不靡。堅亦不病。求之於物。則水是也。以有入有。捍不相受。以無

入有。無未嘗勞。有未嘗覺。求之於德。則鬼神是也。是以聖人唯能無爲。故能使衆強。出入羣有。

呂註

天下之至柔。馳騁天下之至堅。觀於水。是也。無有入於無間。觀於氣。是也。水以柔弱。故幾於道。然而

不能無形者也。而猶攻堅強者莫之能先。氣以其無質故合於神。然而不能無氣者也。猶能入於無間而況以貞元之至柔。太易之未見。於以馳騁天下之至堅。而入於無間。孰不為之動。孰不為之化。孰不為之成。聖而盡神哉。故曰吾是以知無為之有益。天下少有及之者也。

息齋註

無形之物至柔。能馳騁有形之至堅。欲保此有形之至堅。須善此無形之至柔。至柔者有無之

真。二五之精。以此不可希及之真。豈不可以出入有無而馳騁堅強者乎。

名與身孰親。身與貨孰多。得與亡孰病。是故甚愛必大

費。多藏必厚亡。知足不辱。知止不殆。可以長久。
身一而貨多身

寔而名虛。薛云。知足者。樂今有之已多。無求者也。無求奚辱。知止者。知後進之有損。知幾者也。知幾奚殆。

者存身之寶雖愛不費所愛者修身之道是故可以長久

蘇註

先身而後名躬行寔踐然後名自賓之也貴身而賤貨故不以希有之身而徇多故之貨悖入悖出

得亡孰病哉至夫太古無名與道俱存身且道身而況於名與貨乎然貴以身爲天下者使民不識不知順帝之則也耕食井飲忘帝之力也故有於身者之樸存見於事者之無妄而後至於忘我故三代已上唯恐好名恐分於樸而有以爲名也三代以下唯恐不好名恐流於濫而淪於不測此老子之深意也故親於身之外名是也資所養身者貨次也唯齊有無均得喪而後無病也愛甚則凡可以侈之者無所不爲能無費乎藏多則物攻之者無所不至能無亡乎知止寶愛知足寶藏故不辱不殆而身名長久也

呂註

烈士之所徇者名也而至於殘生傷性則不知身之親於名也故曰名與身孰親貧夫之所徇者貨

也而至於殘生傷性則不知身之多於貨也故曰身
與貨孰多所徇者名則世謂之君子所徇者貨則世
謂之小人君子小人之所徇雖或不同而亡其所存
則一也然則得名與貨而亡所存則不知亡之病於
得也故曰得與亡孰病是故愛名欲以貴其身也以
甚愛之故併其良貴而失之是大費也蓄貨欲以富
其身也以多藏之故並其良富而害之是厚亡也夫
唯有德者知至貴之在已而無待於名也故知足而
不辱知至富之在已而無待於貨也故
知止而不殆不辱不殆長久之謂也

息齋註

名不親於身貨不多於身得不償其失而世人
每貪於名溺於貨徇於得者由其無所見也我

愛於物愛多則我費物藏於我藏多則我勞小則辱
大則危有不可勝悔者君子則不然知物之備於我
自反而足故於外無求雖欲辱之不可得也知吾之
所止止於至道故非道不爲雖欲危之不可得也

人告其失其月不肖人言其由大

第四十五章

贅筆天地大成也交退於西北東南

退於望中大午故晦明成時而不窮一氣大造也爲分於春秋爲至於南北盤鬱於兩間而若屈造化大巧也而若拙風雷大辯也而若訥寒暑相勝涼熱爲能吾不知誰爲此而正夫天下者非清靜乎

蘇註

天下以不缺爲成故成必有敝以不虛爲盈故盈必有窮聖人要於大成而不卹其缺期於大盈而不惡其冲是以成而不敝盈而不窮也直而不屈其

直必折循理而行雖屈而直巧而不拙其巧必勞付物自然雖拙而巧辯而不訥其辯必窮默而乘化雖訥而辯成而不缺盈而不冲直而不屈巧而不拙辯而不訥譬如躁之不能靜靜之不能躁耳夫躁能勝寒而不能勝熱靜能勝熱而不能勝寒皆滯於一偏

而非其正也、唯曠然清靜、不染於一、非成非缺、非盈
非冲、非直非曲、非巧非拙、非辯非訥、而後無所不勝
可以爲天
下正矣、

呂註

萬物始乎是、終乎是、是大成也、然始無所始、終無

所止、故若缺、唯其若缺、故其用日新而不敝、萬物
生焉而無窮、是盈也、然益之而不加盈、故若冲、唯其
若冲、故其用日給而不窮、大直者、曲之而全、枉之而
直者也、故若屈、大巧者、刻雕衆形、而不顯爲用者也、
故若拙、太辯者、不言而信、默而成之者也、故若訥、如
是無他、凡以有本故也、本者清靜也、今夫寒熱者、時
適然也、而一躁焉、則可以勝寒、一靜焉、則可以勝熱、
以一時之躁靜、猶可轉勝况體夫天高地厚之清靜、
無爲而無不爲、以爲天下正者、則安往而不正者乎、
息齋註、成與缺、冲與盈、直與屈、巧與拙、辯與訥、皆喻物
以形求、故雖成若缺、雖盈若冲、雖直若屈、雖巧若拙、

也。蓋世之爲道者，未有不偏如躁勝寒，而不可以勝熱，靜勝熱，而不可以勝寒。要其各有所止，而不得正用也。唯清靜至正，不求勝而各勝者，歸正勝莫正焉。

葉夢得註

寒暑者，天地之時也。躁靜者，人物之動止也。故動止之間，可以回天地之時。苟知其勝轉

盈虛之道，孰往而不可爲哉？故缺之於成爲大成，冲之於盈爲大盈，屈之於直爲大直，拙之於巧爲大巧。訥之於辯爲大辯，惟其不察此，故必求其成盈直巧辯者，未有不窮且敝者也。故小成之專求，非至正也。以成爲成，以盈爲盈，以直爲直，以巧爲巧，以辯爲辯，小矣。若缺而成，若冲而盈，若屈而直，若拙而巧，若訥而辯，乃爲成之太盈，之太直，之太巧，之太辯，之大者也。

吳註

辯者，未有不窮且敝者也。故小成之專求，非至正也。以成爲成，以盈爲盈，以直爲直，以巧爲巧，以辯爲辯，小矣。若缺而成，若冲而盈，若屈而直，若拙而巧，若訥而辯，乃爲成之太盈，之太直，之太巧，之太辯，之大者也。

天下有道，卻走馬以糞。天下無道，戎馬生於郊。罪莫大於可欲，禍莫大於知足。咎莫大於欲得，故知足之足

老子元翼

卷下

常足矣

卻從「王」入聲止也退也又語端辭糞糞田糞車也吳幼清曰張衡東京賦卻走馬以糞車戎

馬戰馬也郊交也二國交境戎馬生而廢農也性無欠餘常足也人能安之無往不足故知足之足常足

第四十六章

賢寶造兵者古有曰大兵之後必有凶年凶年非天災水旱之謂以其廢

耕鑿而害生理也故知足者足於有道不足於無道有道之謂致中和達天下之道者也無道之謂可欲罪莫大焉者也故有道者治於凡可欲之先不至於咎欲得而懼必得之禍是以休欲於天休者樂民於天樂者也

知如是之足者則常足於天矣

希聲註

夫天下有道之世雖有甲兵無所用之而公田矣雖有健馬無所乘之而糞車矣天下無道之

時故甲兵動於四境戎馬馳於四郊桑梓盡於樵薪荆棘生於隴畝矣原其所以其故有三心見可欲非里行民故軍意大焉求而不已必害於人故禍莫大

能無求求而非道庸謂之求者也。人偽也，夫焉得而有之？人皆有至足者，公乎人而同乎天者是也，可不有乎？

蘇註

天下各安其分，則不爭而自治，卻走馬而糞田，不

足者，其禍又甚。欲得而必於必得者，其咎最大矣。匹夫有一於身，患必及之，而無道爲是，則戎馬所自起也。唯知足者，所寓

而足，故無不足。

呂註

天下有道，民之智能已於耕食之間，而盜爭銷於

無道，見可欲以爲造兵之本，雖有封疆之界，不能定也。故曰戎馬生於郊，然而罪之所由生者，可欲而已矣。故曰罪莫大於可欲，由可欲故不知足，則雖有餘而不止也。是爲福有餘爲禍，故曰禍莫太於不知足，由不足是故欲而得之，則讟怨之招，兵之所由起也，而爭奪無已，咎莫大焉。故曰咎莫大於欲得，故不知

足者雖足而不足則知
足之是常足也可知矣

息齋註

天下有道則能使兵為民天下無道則能使兵為兵人能有道則能使兵成兵人而無道則能使真成妄可欲者愛也

不知足者貪也由愛生貪由貪生取眾取橫生遂為無窮之咎若知愛取不必外是謂知足知足則無不足矣

不出戶知天下不窺牖見天道其出彌遠其知彌少是

以聖人不行而知不見而名不為而成

凡行見為外之則勞肉之則逸

第四十七章

贊筆吾道一以貫之凡道之在天下者大小有無精粗無不到而吾心之

全體大用無不明矣唯葆其明知養以天和人而後成其行之也夫勞勞口拙以出為知以窺為見故其行也

呂註

特其性全故耳。世之人性爲一切所蔽，耗昧於動止，顛倒於當途，見不出視，聞不出聽，知不出所徂，不知聖人聞道而復，道充而知乃欲出窺求之，是以彌遠而彌少也。道之體復，非特名而知也，不勞而成之也。天下之所以爲天下者，果何邪？見天下之所以爲天下，物我作止，則不出戶而知之矣。天道之所以爲天道者，果何耶？見天道之所以爲天道，則不窺牖而見之矣。今夫天下之大，固無窮也，必待出而知之，則是力之所及者寡矣；所知者幾何哉？天道之遠，固不測也，必待窺而後見之，則目力所及者寡矣；所見者幾何哉？故曰：其出彌遠，其知彌少。是以聖人知天下之所以爲天下，故不待行而知；見天道之所以爲天道，故不待名而見。夫何故？以其備於我，故也。知知於所不行，名名於所不見，則不爲而成矣。

章安註

出戶而知，知其所可知；爾窺牖而見，見其所可見。爾，天下之大；天道之廣，豈可以知知以見見。

息齋註

出而求天地者求其形也天地不可以形盡而可理盡故其出彌遠其知彌少若知其理之在

乎出戶則離此而有所知其知能幾也窺牖則即彼而有所見其見豈遠也聖人密運獨化雖不出而無所不知雖不窺而無所不見天下者物之所在使然者也天道者物之所在自然者也其粗在物其妙在道皆不離當體而盡夫知見何事於出何待於窺聖人不出而本乎所在之使然而知不窺而本乎所在之自然而見故天下之事皆可得而知天道之妙皆可得而見能知見名故不爲而成成其所自成也

此則雖閉戶可也聖人知周萬形而不執於形名因諸見而不留於見故若不事而事行故曰不爲而成

爲學日益爲道日損損之又損之以至於無爲無爲而

無不爲矣故取天下常以無事及其有事不足以取天

下取天下常以無事言凡天下巨細之常取慎於無事

第四十八章

贊筆古之學者爲已故日益以求明道道兼萬物故損已以求遂物物我

順遂故又損以至於兼忘兼忘無爲者也無爲之中有無不爲者存行化於無事之時而有無爲之用唯無爲乃能無不爲無不爲乃能無爲也學道者自有以求人無無不爲而無爲也得道者自無而同於有無爲而無不爲也不居爲執化其有無而之於天下之事耶有事無事矣天下之爲耶有爲無爲矣

羅什註

損之者無羸而不遣遣至於忘乎不善故曰損之然後無細而不去去至於忘善故曰又損之又善者非也善者是也既損其非又損其是故曰損之又損是非俱忘情欲一致德與道合至於無爲已雖無爲復萬物之自然故無不爲也

蘇註

不知道而務學聞見日多而無以一之未免爲累也孔子曰多聞擇其善者而從之多見而識之知

之次也苟一日知道顧視僞爲無一非妄去妄復性是謂之損孔子謂子貢曰女以予爲多學而識之者與曰然非與曰非也予一以貫之去妄以求復性可謂損矣而去妄之心猶存及其兼忘此心純性而無餘然後凡所爲而不失於無爲矣人皆有欲取天下事理之心故造事而求之心見於外而物惡之故終不可得聖人無爲故無事其心見於外而物安之雖不取天下事理而爲之而天下事理順安於是矣

呂註

爲學者未聞道者也未聞道而求之不得不博故日益爲道者已聞道者也已聞道而爲之期於無

爲而已故日損而損之者未免乎有爲也并其損之者而損焉而後至於無爲無爲者寂然不動之謂也無不爲者感而遂通天下之故之謂也爲道而至於此謂之絕學無憂謂之神無方而易無體非天下之至神其孰能與於此也由此觀之取天下常

以進求而損者或難於強致。唯至明者方能譬地脫落。乃至無爲之地。故能無所不爲。而應用不窮。施於天下綽。

綽然矣。

息齋註

爲學所以求知。故日益爲道。所以去妄。故日損。

知不極。則損不全。故日益者。爲日損之地也。若損之又損。妄去真全。則無爲矣。至於無爲。則凡有爲未嘗不無。此又未易以損益論也。及其無爲之至。雖天下之多。而一貫之也。若以有事而生事。雖眼前之一物。尚膠纏乖錯。而況天下之多乎。

聖人無常心。以百姓心爲心。善者吾善之。不善者吾亦善之。德善矣。信者吾信之。不信者吾亦信之。德信矣。聖人在天下。慄慄爲天下渾其心。百姓皆注其耳目。聖人

皆孩之

惟天無親克敬惟親故無常心惟上帝降衷於民故以百姓心爲心懔音疊恐貌渾上聲厚也

第四十九章

心應同赤子故天聽自我民聽天視

自我民視不敢以已心爲心以百姓心爲心也唯天下有善有不善有信有不信聖人一德之而僕僕焉不敢有爲以無爲之中而無不爲爲使天下渾其心既渾其心矣而耳目一注聖人皆孩之以無懷氏之民而養之以葛天之民也

蘇註

虛空無形以萬象萬化爲形萬象萬化無形以大

道爲形大道無形以虛空爲形虛空者大道之體萬象萬化者大道之用也大道之心天地也天地之心萬物也靈於物者人也靈於人者心也靈於心者道也是道心也固萬物之心也聖人不自有其心一有其心便非道心故不自有其心以百姓心爲心故無常心以天地爲常心以天地爲常心故無善不善

以嬰兒也。夫是而後釋然。皆化復其初矣。天下始定。

呂註

人心其神矣乎。操則存。舍則亡。出入無時。而莫知其鄉。莫知其鄉。則非方所之可得。出入無時。則無常體之可測。神則若是。聖人之心。亦若是而已。夫聖人先得人心。而盡者也。故無常心。而以百姓之心爲心。猶之鑑也。無常形。以所應之形爲形而已。聖人之視已心也。如此。則其視百姓之心也。亦若是而已。則善不善。信不信。於本然之德。亦何常之有哉。故善者吾善之。不善者吾亦善之。知其心之善。不善。無常。而以德善之。故也。信者吾信之。不信者吾亦信之。知其心之信。不信。無常。而以德信之。故也。以善信之。德固常也。物得善信。以生。謂之德。形得以神。謂之性。性修神淨。德至。同於初德。初之謂性。始性。始之性。固至善至信也。明矣。由其生也。之習。物欲所蔽。生也。之受。氣稟所拘。習受之淺深。故有常不常之德信矣。聖人知

常不常於常德之常何與故於天下也慄慄然不已
爲百姓渾其心使善者信者不自異而不善不信者
不自棄不異不棄心渾然矣唯聖人之爲視聽矣無
思無爲同於赤子矣赤子之於聖人唯慈翼而已

元澤註

善惡生乎真妄真妄之由也幾希公於大道者
則不然雖目覩善惡而心無殊想矣故聖人因

世之情強立毀譽而心知善惡本非其寔故不善之
與善非憐而恕之則原而有之矣夫善惡之忘也乃
真善也是以萬法雖殊等爲寔相信善與非混爲一
體知一切偽無非妄者故能視不善猶善知一切妄
無非寔者故能視不信猶信當妄知寔
當寔知妄此聖智所以異於衆人也

息齋註

甚矣心之爲心也潛天而天潛地而地無遠不
至無物不玄而世人蔽心於淺鮮但以分別爲

心故妄有所見而徂焉遂失其全此莊周之所以謂
斥鷃之笑大鵬也聖人之心常與道俱道無所不在
而吾心亦無所不存故無常心以所存之心而應所

於天下無不信者也。是謂之德信。常怵怵然恐天下之人德有心而穿鑿取與。不見夫大全。故每爲天下渾其心。而有以全夫僕初之真。而天下無不善信者矣。

宏甫註

百姓有善有不善。而聖人皆善之。百姓有信有不信。而聖人皆信之。夫聖人曷嘗有善信之心。

哉。一以百姓之心爲善信故也。是謂同德之善。非一人之善。故無善不善。同德之信。非一人之信。故無信不信。是謂德善德信也。夫天下之人各一其心也久矣。聖人則合天下之人而渾爲一心。百姓皆注其耳目。以觀夫聖人之以嬰兒遇之也。是以不矜不慍。同然皆化而一矣。此太上所以治世也。所以龍無爲也。

出生入死。生之徒十有三。死之徒十有三。人之生動之死地十有三。夫何故。以其生生之厚。蓋聞善攝生者。陸

行不遇兕虎入軍不避甲兵兕無所投其角虎無所措其爪兵無所容其刃夫何故以其無死地

出謂自無而見於有入謂

自有而歸於無莊子萬物皆出於機入於機皆以出為生入為死也故慨夫生死之徒尤慨夫動之死地者歸重於善攝生者以其生無死處也蓋生必有以攝之方為盡天賦之職而必在善攝焉以厚生而收生者非善攝也攝生如攝政攝官之攝兕音似山海經兕出湘水南蒼黑色爾雅形如野牛一角重千觔

第五十章

贊筆人之出入死生之機槩論之若而生若而死不若而死生勻得三而共居

九坤乾之數始於二一行於六九而十乃乾之零坤之極轉替之交剩一為奇者也蓋得此一之奇人陰陽為之伏復而况虎兕兵甲不為之伏服也耶無死地者有道生焉

永性無生死出則為生入則為死用物之精以自滋

地者也。生死之道，以十言之，三者各居其三矣。豈非生死之道九而不生不死之道一而已。不生不死，則易所謂寂然不動者也。老子言其九，不言其十，使人自得之，以寄無思無爲之妙。有生則有死，故生之徒，即死之徒也。人之所爲厚生者，常趣於不知足，不知殆，故死道常十九。聖人善攝於不生死之中，故一也。

呂註

生者死之徒，死者生之始，則生死相爲出入而已矣。生之徒十有三，則由生而得生，非幸生者也。死

之徒十有三，則由死而得死，非不幸而死者也。民之生，動之死地十有三，則豹養其內，而虎食其外，毅養其外，而病攻其內，非不以生爲事，顧不得其道而動之死地者也。夫何故？以其生生之厚，蓋由其狗生，由死得死者，固不必論，而以生爲事，而反之死地，其失爲在此也。蓋聞善攝生者，陸行不遇兕虎，入軍不被甲兵者，以至仁化暴，至善回凶，善生憫生，至生無死，况非橫之生者，有不依乎有道之生，而正生者乎？

元澤註

至人不知死、不知生、故亦莫能死、莫能生、故曰未嘗死、未嘗生也。彼偏乎空有、執見貪妄、而與

生死爲徒者、及狗欲爲咎、動之死地者、凡是三類、所見則殊、而原其所以迷大道之至正、而不免於生死者、則一由其妄厭其生而趣死、不明非死而趣生、及嗜欲狗生、過厚故耳。或曰：彼爲道而至乎枯槁者、豈生生之厚乎？曰：吾之所以爲我不死、不生、湛爾常一者、唯當息貪妄、而葆真元、而彼乃執其所見、更爲枯槁。故雖志趨空寂、不知流於斷滅、心貪罔上、不知有我之尤者也。無死地者、由其無生、無生、非斷滅也。湛然常生者也。常生而不自見也、不自有也。與昭昭冥冥而常住、無方者也。此中國之聖神、西方之佛真也。若然者、變化無常、乘虛觸寔、無往不通。則物者、欲有之而不得、況能傷之乎？或曰：然則何以謂之攝生？曰：攝生之至、而攝化也。降此一二、便爲死生。所有故攝生、必至於此。然後常存也。此於含德之厚、又進矣。萬物之變、莫大乎死生。人之爲道、超然於死生。

則吾之所從往者宜可知矣。心耶？物耶？人耶？天耶？審不可以言也。而謂之寔往可乎？然則吾之生也，前不知其所起，後不知其所止，通萬古而長存者，湛然也。然後曉然知我之未嘗生，未嘗死，將以奚爲死地哉？生之徒十有三，此練形住世者也；死之徒十有三，此斷滅種性者也。凡此十分之中，率居其九，皆欲生生之厚者也。夫有生必有死，是生固死之地矣。兕虎甲兵將安避之？善攝生者，攝治於生道之常，不至於貪妄過厚之失。生攝至於至善，則無生而及化矣。故兕之角無所投，虎之爪無所措，兵之及無所容，何者？被無地以受之也。無地受者，無隙乘也。況至善及化乎？厚生者九，無生者一。老子於十之中，闕一自擬，其旨微矣。然聖人無生，體至道無生也。蓋道降生生，至道之上無生也。知此者，可以出入造化，遊戲死生。

道生之。德畜之。物形之。勢成之。是以萬物莫不尊道而貴德。道之尊。德之貴。夫莫之命而常自然。故道生之。德畜之。長之育之。亭之毒之。養之覆之。生而不有。爲而不

恃。長而不宰。是謂玄德。

道能命萬物而尊貴。非萬物能命道尊也。故曰夫莫之爵命而

常自然也。唯常自然。故道生不有德。畜不恃尊貴。不宰天亦曰亭毒。萬物所以亭而毓秀。毒而結成也。

第五十一章

贅筆。德者天地之合。而道則所以爲天地也。故萬物非道不生。非德不畜。

而於亭毒之先後天。非長養覆育之功。不能成其用能也。故四時殊勢。因勢而成之。一道化成。因物而形之。是故道生之。命德畜之。爵而萬物之所以稟序也。唯道之尊。德之貴。夫莫之爵命焉。而常自然。唯自然也。是謂天地玄合自然之

由道能生之而化勢以能成其成者由德能畜之而
運萬物以能生化故尊道以能畜運故貴德道德以
生畜運化之故自然爲萬物所仰如生生之父母不
知然而然而尊貴若是也是以道德有以生成教化
也然道者妙物之真德者妙物之凝故稟其真謂之
生含其凝謂之畜遂其形謂之長字其材謂之育權
其用謂之亭量其成謂之毒保其和謂之養護其傷
謂之覆此之謂道生之德既生之而不執有既爲之
而不矜恃既長之而不宰制此之謂玄德營魄章言
人參於天地而道德達此章言天地之生物而道德
尊是以生畜之辭同理
通而營魄之用不同也

蘇註道者萬物之母故生萬物者道也及其運而爲德
牧養羣衆而不辭故畜萬物者德也然而道德不
自形唯窈冥玄默因物而形其形以見夫生成化育
物不能自成遠近相取剛柔相交積而爲勢而後興

亡治亂長短之勢成矣。形雖由物成，雖由勢而非道。不生，非德不畜，是以尊道而貴德，尊如父母，貴如侯王。道無位而德難名，故非可爵命而常尊貴也。特命而有尊爵，而可貴者，非道德之尊貴也。

呂註

萬物之生，常本於無名之始，而其畜當在於一而未形，際有

名者也。及其為物，則特形之而已。已有形矣，則裸者不得不裸，鱗介羽毛者不得不鱗甲羽毛，蠕動濡翹者不得不蠕動濡翹，芴芒蒙植，住留騰伏，皆不得不然也。以至稚而壯，壯而老，一皆自然之勢成之也。故曰：道生之，德畜之，物形之，勢成之。然則勢出於形，形出於德，德出於道，道德本也，形勢末也。本尊而末卑，本貴而末賤，內本外末，所以常守道德之尊貴也。是以萬物莫不尊道而貴德，道之尊德之貴，夫莫之爵而常自然，此其所以能以無為之柔弱而勝形勢之剛強，則王侯之所以賓化萬物者，在此而不在于彼也。

尊故難命焉而常尊是以生而不有爲而不恃長而不宰穆乎玄德之謂也

元澤註

物各得其道以生故但爲德畜之而已德畜而

故道者德之得德者物之得勢者成之得明乎道德則形勢可知而功應無難爲矣命於天則爲天子命於天子則爲諸侯有所受命則出命者能賤之矣唯道萬物之先而制其命故無有能命之者而常自然息齋註物非道不生非德不畜自其有形以至於勢成莫不以道德爲主道之尊德之貴至於難名難言矣然不自尊其尊不自貴其貴其施於物非有心於物也莫之命而常自然自然而生自然而畜凡所以長育成熟以至於養之覆之莫非自然者由其自然故未嘗望物之報生不辭勞施不求報是謂玄德

天下有始以爲天下母既得其母以知其子既知其子

復守其母。歿身不殆。塞其兌。閉其門。終身不勤。開其兌。

濟其事。終身不救。見小曰明。守柔曰強。用其光。復歸其

明。無遺身殃。是謂襲常。兌。口也。所以兌出入也。人之有

從出納者。塞而閉之。藏有於無。守母者也。參同契云。

耳目口三寶。閉塞勿發通。兌口勿以談希之。順鴻濛

即此義。見其微曰小。守其妙曰柔。遺去聲。

襲常。密相襲而常也。記曰。拚而充。襲曰襲。

第五十二章

其母以知其子之所自。既知其子。復

守其母之所始。慎內閉外。入於窈冥之門。終其

身而不勤。知微知彰。見彼秋毫之末。用其光而

復歸其明。母持強以去柔。毋妄

作而遺殃。潛潛習習。襲以為常。

母失其子。然無不見也。道故終守其母也。凡天下皆具是道。然常患夫狗物忘道。開其悅之之心。濟其外撓之事。至以終身而不救悲夫。夫以終身不勞而成者。唯塞而閉之。閉邪存誠。雖應而不狗也。悅之所開。始小而浸大。知小之將大而閑之。可謂明矣。強之致敵。始稚而漸壯。知稚而漸壯。而守柔。可謂誠矣。誠則明矣。明則誠矣。故用其光復歸其明。蓋光與物接而不擾。物有去而明無損。是以殃不遺於身。而成性存存。相襲而不絕矣。

呂註

自天而下。皆生於無名。故曰天下有始。以爲天下母。聞道易。得道難。得道易。守道難。今我既得其母。以與心契矣。非特聞之而已也。則知天下之物皆道之所出。而我常守之而不失。則天下孰能以其所出而害其所自出哉。此其所以歿身不殆也。塞其兌。閉其門。終身不勤。此則守其母之謂也。心動於內。而吾縱焉。是之謂有兌。有兌則心出而交物。我則塞其兌。而回光。回光則心不出矣。物引於外。而吾往焉。是之

謂有門有門則物入而擾心我則閉其門而渾忘渾忘則物不入矣內不出外不入雖萬物之變芸芸於前各歸其根而不知矣夫何勤而勞之有哉古之人有能廢心忘形此之道也若開其兌而不塞濟其事而不反則我之心直爲物之逆旅莫適所守矣亦何恃而不亡哉此其所以終身不救也夫唯守其母者每見其心於動之微故曰見小曰明守明微之真柔而至不動也強於此者孰甚焉故曰守柔曰強靜極復動慧照而復歸其明不致於狂慧以遺真身之殃如是則襲於至和而常襲焉深不可以測識矣

息齋註

道爲物母物爲道子古之得道者能使子母不離而道物爲一蓋物從道出物不異道子從母出子不異母物不異道而世欲棄物以求道子不異母而世欲棄子而求母本不異而自異之是以終不得而一也使人知物卽道子卽母知之守之則左右逢其源有不難者凡物不自道而用物以遺道者以

微若自小而謹之自微而養之雖小必明雖微必強故曰見小曰明守柔曰強明者本也光者明之所由出也元明爲本其末分而爲視聽覺觸者皆其光也道自本流末學自末求本故曰用其光復歸其明是謂襲常常即本明光自明生光明常襲以至圓明而道母在是矣

使我介然有知行於大道惟施是畏大道甚夷而民好

徑朝甚除田甚蕪倉甚虛服文采帶利劍厭飲食資貨

有餘是謂盜夸非道哉

介然確然也又交際又細也施者嗇之反也夷平也路狹而捷

爲徑除治也又去也朝昭潮二音朝甚除蓋清旦謂之寅恭書謂寅亮天工治於此者而以下諸事自然
而從本治也鷄鳴而起孜孜爲利不務寅恭自然廢本務末甚則爲盜夸之行也夸誇同張美也又夸羨

第五十三章

賢筆大道不有其道故曰如使我確

是畏蓋君子之道費而隱朱嘗不施而於大道之施也微而難固大道甚平且常唯平常而難施也畏施非其道也民故忽於平常之道迂也而好大為奇趨於捷徑不知非道也哉故於朝也亮乎清明在躬者君子也去乎清明營惟者欲者遠君子者也故於身家之治視乎本末舜距之徒視乎趣舍

憂悔吝者存乎介

韓非解

朝甚除也者囂訟繁也囂訟繁則良田荒良田荒則寶倉虛寶倉虛則身命貧身命貧則生生之業絕生生之業絕而猶務飾巧智服文繡逞強利

薄素餐欲盈非分之欲壑此近盜之行猶然大言以

夸世其於

道也非哉

老氏若曰設使吾茫然若無知道之心始欲希

不合於大道也。夫大道之云亨衢也。亨衢平易無往不達。以其大直不患微宛。而世人欲速。由於捷徑。是以崎嶇迷惑。不達所趨。故聖人病之。慎所施教。畏其導民於邪僻。終不合於大道焉。噫。入其國。觀朝野之除治與非。其政教可知也。故朝廷之事甚除。其有他好而致之乎。若然者。田蕪而倉虛。末隆而本虧矣。猶然饜飫而贏貨財。不知陰耗民用。凡幾也。豈可張美乎。是以聖王之治。去其泰甚。以無不爲。而端拱無爲焉。執中以御天下之過者也。故民力裕而國家富有。老成服而德命維新。所謂行於大道。惟施是畏。其在此乎。

蘇註

體道者無所施設。而物自化。使今介然有知而行於大道。則凡所施與。苟非自然。有足畏者矣。夫大道甚夷。無有險阻。世之不明者。以爲迂遠。而好徑以求捷。故凡捨其自然。而趨於偏勝獨好者。不知大道之公平。乎天下者也。故有道之爲天下計。不敢以巧飾饜飫資貨。以顯其身。恐爲盜所夸倡也。是以畏所施。

呂註

聖人之於道方無思無爲而或介乎有知有爲之際其於大道之周行不殆者恐有施而不周也夫

大道之爲體不知而知行若無行則夷之甚者也而民乃欲執知而明甚爲而行好徑以求達故於大道也遠矣夫人之有生歲計之在於春日計之在於寅故日之作也不務本德而身心荒殆田倉虛蕪尚然盛服帶劍厭常贏餘豈非廢家珍而不寶盜他物而夸耀者乎故爲有道所不取

息齋註

道不在知云知者不知也是以聖人之於知猶云介然而大道之於施猶云是畏故真道必明

以所知有限而無知故無不知者也大道自施以所施有限而無施聖人之於無施無聲臭之可聞故無不施者也而於有知之施也不能盡大道之體故惟施是畏是以大道甚夷而民好徑好徑者強不知以爲知而便僻其行者也使行於無不知而無知則凡所見聞無非道者豈不蕩蕩然廣大心逸日休哉後世不然朝除其庭則外飾者至矣田任其蕪則心不

所用之空爲盜夸如此則去道遠矣

善建者不拔。善抱者不脫。子孫祭祀不輟。修之於身。其德乃真。修之於家。其德乃餘。修之於鄉。其德乃長。修之於國。其德乃豐。修之於天下。其德乃普。故以身觀身。以家觀家。以鄉觀鄉。以國觀國。以天下觀天下。吾何以知天下之然哉。以此。

第五十四章

抱道建德非真知至明大有力之英雄固不能不爲人所拔爲已所脫也
贅筆世之德業文章不拔不脫於沒世者在善建其身於道德善涵精粹
於抱藏時至於真而玉潤山輝珠明淵沃故能顯仁藏用也是道修之身而至於天下者由其德真至於乃餘長乃豐普而然也故吾何以知之哉觀以天下之若是修身也

蘇註

世豈有建而不拔抱而不脫者乎唯聖人知性之真審物之妄審至於冥合於身心而其德日益以

積故若無所建立而建有不可拔者抱至於無所不抱而寔無所不抱故抱有不可脫者不獨當時不拔不脫至於後世親承不輟也身修既真推其餘推其長推其豐推其善以及家國鄉天下皆以德真修治而天下平也天地之大固世俗所難知然其由本之治理可推而知也以吾身觀之家猶是也以家觀之鄉以鄉觀之一國亦猶是也此吾之所及知也然安知聖人以天下觀天下亦若吾之以身觀身乎豈身可以身觀而天下獨不可以天下觀乎故曰吾何以知天下之然哉以此言亦以身知之耳

呂註

凡以有形而建者未不以有形而拔者也唯爲道者建之以常無有則善建而不拔矣凡物以抱而

固者未有不脫者也唯爲道者抱神以靜則善抱而不脫矣夫唯所建所抱者如此則其祭祀不輟者宜矣世之所謂修德者或遠不及於天下國家而不知

真以治身其緒餘以爲國家其土苴以治天下
之說猶蒲蘆也然則何觀而修之身哉以身觀身而
已矣何謂以身觀身今吾觀吾身之所有何自而有
也又觀吾身之所以觀者何自而觀也既知吾身之
所自而有又知吾觀之所自而觀則所以修之身者
已備而足矣而無待於外求及德乃修之真也而以
家觀家以國觀國以天下觀天下亦若是而已矣古
之所以藏天下於
天下者用是道也

含德之厚比於赤子毒蟲不螫猛獸不據攫鳥不搏骨
弱筋柔而握固未知牝牡之合而峻作精之至也終日
號而不嗷和之至也知和曰常知常曰明益生曰祥心
使氣曰強物壯則老是謂不道不道早已

毒蟲蜂蠆之類以尾端肆

毒曰螯螯音釋猛獸虎豹之類以爪按拏曰據攫音薄
霍攫鳥鵬鶚之類以距取曰攫以羽取曰搏搏音薄
趙志堅曰以四指握拇指為握固握約屋二音峻駿
同子垂反赤子陰也作起也號平聲嗶沙去聲聲變
也祥吉凶之候以生有善益不善益也物壯不道三
十章言處事之喻此章言守身之喻皆明強當早止

第五十五章

皆純粹至精者存純一未離者也

蟲鳥獸不但不干尚欲保之乳之翼之耳而握
固而峻作而不嗶雖有動而動出於至和者也
含德厚之至亦若是而已唯知和而常知常而
明耳不使形有益生之害心有使氣之強故強
壯者則近老不使者則近孺非有道者不能不
使也夫能常保其赤子之心者其唯大人乎

蘇註

老子之言道德每以嬰兒況之者由其精和之至
無心而常明者也夫物之有敵者由其有貪狠傷

殘之心故氣類之招兇致敵也嬰兒之至和無心孰

不善其所善而爲之化乎夫仁者以道生而善生者也世人以貪生而益生故益之非道而有以害夫善生者矣夫人氣惡妄作而又以心使之則強甚矣益生而使氣不能聽其自然口入於剛強而老從之則失其赤子之性矣當早爲之省

呂註

人之初生其德性至厚也比其長也耳目交於外心識受於內而益生日益多則其厚者薄矣爲道者損其所益生性修反德德至同於初身修反嬰嬰至則同於元矣故身心順理皆自然也或因損而益之非外益其益也唯有道者明是言夫德厚至於赤子之元唯無爲而不可益矣況益之非道哉夫赤子之爲德特其受冲氣之和積而未散而猶毒蟲不螫猛獸不據攫鳥不搏況夫充純氣之守通乎物之所造而其和大同於物者夫孰能害之魏文侯之問子方師是也蓋唯精爲能致和何以言之今夫赤子不知所取而握固不知所與而峻作無心而精之至則和之至者也使赤子而有取與之知則不一而粗矣

其能如是乎。故夫反德脩身之士。終日以骨弱筋柔而握固。不知所與而鰲作。以無心而精之至。而致和者也。使士而不聞夫道。其孰能與於此乎。以士之致和而有以。況乎赤子。夫赤子之無所憂愠也。故雖終日號而聲不嗄。則和之至者也。使赤子有所憂愠。則鑿而不和矣。故士脩以不鑿。而致和。以至於元。則精之至者矣。夫形全精復。與天爲一。精而又精。反以相天。精而至於相天。則其充純乎元氣之和。以至於大。同於物。亦何足異也。故致道之極。則至於復命。復命而至於常。故知常之爲常。而精精明明矣。道德雖有天元人元之謂。其致之至之。則同於自然之常。而奚有益生使氣。似物壯則老。而不能反乎初。而不老者乎。知者不言。言者不知。塞其兌。閉其門。挫其銳。解其紛。和其光。同其塵。是謂玄同。不可得而親。不可得而疎。不可

得而用。不可得而害。不可得而貴。不可得而賤。故爲天

一清靜以塞者欲愛悅之端此則宗道無言故與損聰棄明之說挫銳解紛和光同塵已見第四章然彼則就道以論功此則據人以明行也須深體究

第五十六章

以言言也可言也則非體至道而不能

知言言道也真知道者言不能竟也唯閉塞其實挫解其特在朋來不炫不異冥然天造故不可得而親疎利害貴賤之斯其道豈偏人偏我所能為故為天下貴

蘇註

道非言說亦不離言說然能知者不盡然言能言者不盡然知唯塞兌閉門以閑存乎正蒙挫銳解

紛和光同塵以立合乎交感默然而成而與道同也可得而親則亦可得而疎可得而利則亦可得而害可得而貴則亦可得而賤體道者均覆萬物而孰為親疎等觀逆順而孰為利害不知榮辱而孰為貴賤情計之所不及此所以為天下貴也

老子元覽 卷一

呂註

道至於至則知之至也知之至則默而成之何所容心哉然則知至道者固至道無言今以言言道

則言非至道也唯言出於無言為至言也以知知道則知非至道也唯知出於無知為至知也唯知之不以有其知方為真知言之不以有其言方為真言故曰知者不言言者不知塞其兌閉其門挫其銳解其紛和其光同其塵是謂玄同默而成之之道也若然者萬物一府死生同狀無所甚親無所甚疏故不可得而親不可得而疎不就利不違害故不可得而利不可得而害不榮通不醜窮故不可得而貴不可得而賤夫可得而親疎利害貴賤者則貴在於物而物能賤之不可得而親疎利害貴賤者則貴在於我而物不能賤之也其為

天下貴不亦宜乎

碧虛註

君平曰五味在口五音在耳如甘非甘如苦非苦如商非商如羽非羽而易牙師曠能別之其所以別之者口不能言也音味尚爾況妙道乎所以

之見於何而生哉故至人之遊處顯則與萬物共其本處晦則與虛無混其根語默隨時而不殊厄言日出而應變是以謂之玄同也

元澤註

不言者非密而不言誠無所事言何則不見於一曲故也故無方而無不在物物而不物於物

故物不可得而親疎貴賤之也可得而親疎貴賤者物而已矣彼玄同乎知言者故道同而天下皆貴也

息齋註

玄同之德固知者不言知言之不盡也而言知者固知其未有見也何有於知故曰知者不言

言者不知塞其兌謹其出也閉其門闕其入也挫其銳者治其內解其紛者理其外和其光者抑其在已也同其塵者隨其在物也無出無入無內無外無已無物是謂玄同既得其同謂之親而莫辨謂之疎而不能謂之利而孰就謂之害而孰違謂之貴而無屈謂之賤而無定凡物不足以名之故能為天下貴

以正治國以奇用兵以無事取天下吾何以知天下之

然哉。天下多忌諱，而民彌貧。民多利器，國家滋昏。民多技巧，奇物滋起。法令滋彰，盜賊多有。故聖人云：我無爲而民自化，我好靜而民自正，我無事而民自富，我無欲而民自樸，我無情而民自清。疏：我無爲而民自化，故法令簡而天下忌諱少，民不至於甚貧矣，而要至於復性，我好靜而民自正，故國家兵偃，民之利器已於安土孰仁矣，而盜賊自無，我無事而民自富，故理教明而民之技巧已於凡百工農矣，而奇物自鮮，總成之，以我無欲而民自樸，必至於至化，以我無情，民樸而有以清矣，清固上下一清於穆不已，而攸久無疆矣。

第五十七章

贅筆論道經邦行權應變總欲措斯民於長治久安而後已，唯聖人不待其憂虞紛更而攝化常於無事之時，故無爲自

天民矣非軒皇之世乎

蘇註

古之聖人柔遠能邇無意於用兵唯不得已然後有征伐之事故以治國爲正以用兵爲奇雖然此亦未足以取天下天下神器不可爲也爲者敗之執者失之唯體道者廓然無事以無事御天下而天下富而歸治矣是故君人者忌諱多而下情不達則貧而無告者蔽而爲權謀滋而爲利器矣不務本業者趨於末技則非常無益之物作之矣愚人詐僞而多爲法令以勝之民無所措手足則日趨於盜賊矣夫國之正奇有道固以奇措而不

用治在於正常無事之時乎

呂註

國容不入軍軍容不入國其來久矣則其所以治國用兵者固不同也治國者不可以不常且久者也故以正而不以奇正者所以常且久也奇者應一時之變者也以奇不能不有以爲者也國之不得已也以正故不以智治國國之福者也治國而無所事智則以無事之時而以無爲以取天下也明矣故曰

老子元翼

卷下

美

以正治國以奇用兵以無事取天下夫唯爲不出於
無爲而至於有事則天下多忌諱民以避其所惡則
失業者衆民彌貧而多爲利器矣故趨於奇巧詐僞
其下有難測者國家滋昏矣此法令所以滋彰而盜
賊多有也夫法禁於法之所加令行於今之所聽而
不能禁於法之所不加令於行之所不聽也故民貧
而多利巧則令有所不聽政亂而奇物滋起則法有
所不加矣此所以愈彰而愈難治也吾何以知之哉
以吾之富有無爲起居動用之常充然應乎吾治也
而於天下也亦若是矣則知貧而多事不能應乎吾
治也亦若是而可知矣故聖人云我無爲而民自化
我好靜而民自正我無事而民自富我無欲而民自
樸此則取天下常以無事之道也蓋其失之也由其
已治而欲更治之則反擾之矣故政煩而忌諱多甚
則有不可勝言者身心

家國一體也可不慎歟

息齋注

我以正治人由人之本正也以奇用兵由兵之

以天下爲一家、中國爲一人者、由我一身之無爲、清靜自然化被者也。凡不順乎情、而以一己爲治者、則紛紛有爲、而忌諱多、民業失常、日遷徙於貧矣。旣而救貧、故導之以利矣。民趨日甚、失其本然也。日甚矣。古於今也、齊民者備矣。不可復加所爲於其中也。是以示以無爲、示以好靜、示以無事、示以無欲、以救復生民之本。至以無情、民清、非放勲之至、民故難名焉。其政悶悶、其民淳淳。其政察察、其民缺缺。禍兮福所倚。福兮禍所伏。孰知其極。其無正耶。正復爲奇。善復爲祲。民之迷也。其日固久矣。是以聖人。方而不割。廉而不剝。直而不肆。光而不耀。悶音門。藏心於開闔之內。缺殘缺也。又缺。缺失望貌。以其察察不厚。故人望之而失也。極至也。則也。止乎無以復加也。過此而爲亢爲復。不穀此而爲遲爲留。祲通作妖。孔臧

賦棄常爲妖、妖、幻也、奇異也、正復爲奇、善復爲妖、言人心不固、爲德不常、故中途而變、以至有禍福倚伏、盈虛消長也、故曰孰知其極、極者、無一事不用、無一時不在、無一物不有、其在於物之時、事以正則之、以常揆之、而以攸往也、故吉無不利、易謂自天祐之者、天物、天時、天事也、天固常、故無不祐、無不利、無不攸往也、廉、恬、潔、退也、又隅也、劇、音貴、傷割也、是以聖人不割、不劇、各因其材而篤焉、

第五十八章

贅筆道無往而不在、體物而不遺者也、故禍福倚伏、孰知其兩端之交復

也、孰知其止於至善之平準也、以其無以正之爲常耶、故正者過不及而反復爲奇、善者過不及而反復爲妖、其以錫汝保中之常體者、帶正衡於兩端之時、用者不經、故流爲幻異耶、何信至之不固耶、慨夫迷於此者、民之相沿、固日久矣、是以聖人立同其三、極三正而和始得其環中之常運焉、故以其方至不割、而廉退不劇、

民淳淳焉正體於中和而合康不致缺缺焉有
無過不及
之悔吝也

蘇註

天地之大以世俗之見固有所眩而不知也蓋福
倚於禍禍伏於福譬如老稚生死之相繼未始有
止而迷者不知也夫唯聖人出於萬物之表而攬其
終始得其大全而遺其小察其政重也故若閭閻無
所明而醇醇之風民漸復矣若夫不知道之全體純
正而該中也而以耳目所知爲至方且以爲福不知
流於禍伏矣方且以爲正不知流於乖異矣方且以
爲善不知流於幻妄矣區區以察爲明不知察甚傷
物而猶不悟其非耶以其惑於小知而迷於大覆故
也是以聖人不割不耀日望其復而物性有以全
也

呂註

以正治國以無事取天下則其政閭閻閭閻者言
其不以察察爲快也故其民淳淳淳淳者言其不
溺於薄也以智治國以有事爲天下則其政察察察
察者更張頓擾故其民缺缺缺缺者言其不全於樸

也淳淳故安於德性而不爲禍福奇正善妖之所遷
是以不凜於薄也缺缺故避禍而未必免求福而未
必得方將以爲正也而有以爲奇矣以爲善也而有
以爲妖矣而禍福奇正善妖未知孰在徒令智多而
難治是以不全於樸也何則時有往復治有變常禍
福緝緝至有所拂者有所宜有所拂者世謂之禍不知
知因禍修省則福所倚也有所宜者世謂之福不知
因福恣縱而禍所伏也則孰知其至理者而明之以
趨避也夫正善失而爲奇妖則知奇妖化而爲正善
可知矣則天下之禍福奇正善妖果未可定者以其
無常也知無常之不定則知有常之能定乎無常也
民之有知以來迷於無常也其日久矣奈何重之以
察察不常之政而失民醇醇常德之樸乎故聖人不
以一人斷制利天下而以民德復民故不出位而治

息齋註

其政悶悶以無得求於民故其民樸而淳淳其
政察察以有得求於民故其民雕而缺缺夫以
無得翻爲有得有得翻爲無得正如禍福之相爲倚

民之迷於習俗也久矣而難化於大道是以聖人力而不割廉而不剷直而不肆光而不耀賞刑政治蓋有設而不用其極則能使奇者反而爲正祿者變而爲善故曰教化之行引中人而納於君子之域教化之廢引中人而陷於小人之途矣不可不慎所施教

農師註

其無正耶蓋言其有正者固不至於偏倚而無正者或爲奇爲妖而禍福倚伏矣夫唯庸至於

至正純正禍福醇醇故能超然乎吉凶之表而孰知其極耶若夫未能臻於至正之地而流於倚伏之途循運如輪其何時而止也固民之迷於此者久矣唯聖人憂之故於方不割於廉不剷直教之而不肆光用之而不耀故其政若悶悶焉藏心於明而葆光者也久道化成故民醇醇樸全而不缺更有望夫孰化治人事天莫若嗇夫惟嗇是謂早服早服謂之重積德重積德則無不克無不克則莫知其極莫知其極可以

有國有國之母可以長久是謂深根固蒂長生久視之

道

嗇音澀不外施而內誠實也早服謂早有內服誠實

之重積也由此則無不克充而莫知其至者可以有國之母可以長事天而有以治乎人之長生久視之道矣木之根曰柢花之根曰蒂根木之本一本之花

木果實皆

從根蒂也

第五十九章

贊筆昭事昊天肫誠篤嗇而已夫嗇

蒂之樸者踵深踵固是謂踵踵重積重積則無不克無不克則會於宗而有國宗國之母德可

以善天下可

以長生久視

韓非解

衆人之用神也躁躁則多費多費之謂後聖人

具道理夫能嗇也是服於道而從於理者也人之權

早服知治人者其思慮靜知事天者其孔竅虛思慮
靜則故德不去孔竅虛則新和日至夫能令故德不
去新和日至者早服者也故曰早服是謂重積德

蘇註

凡物方則割廉則剡直則肆光則耀唯聖人方而

不割廉而不剡直而不肆光而不耀此所謂有而
不用者也世患無以服從也苟有至誠之嗇而服從
之則謂之重積德矣德積既厚雖天下之無不服從
之則物莫測其量矣如此而後可以治事有國家者
彼世之人有尺寸之柄而輕用之一試不服則天下
測知其淺深而干忽之雖欲無不克不可得也吾是
以知嗇之可以有國者有以基養其國之母也孟子
曰存其心養其性所以事天也以嗇治人則可以有
國者是也以嗇事天則深根固蒂者是也古之聖人
保其性命之常不以外耗內則深根而不可拔蒂固
而不可脫雖以長生久視可也嗇之義深矣實矣
呂註純素之道唯神是守守而勿失與神爲一則以此
所以爲治而有以事天也故曰治人事天莫如嗇

老子元翼

卷下

早

夫唯嗇也其精神充裕而不用則是早於諸等之先而服從之也苟爲不嗇而費之至於神敝精勞雖欲反其精神無由入矣其於服也不亦晚乎故曰夫唯嗇是謂早服人之生也固足於德夫誠能嗇而早服之則所有之德日益以積故曰早服謂之重積德重積德則安往而不克哉故曰重積德則無不克夫無所不克則孰有知其極哉故曰無不克則莫知其極夫莫知其極者有大物者也有大物者不可以物而物而以不物而物以不物而物故能物物而不物於物以不物而能物物者該天下之物而物者也故曰莫知其極可以有國有國者物物之子也物物者有國之母也母子相守歿身不殆故曰有國之母可以長久然則嗇之爲道是謂深根固蒂長生久視之道也精神者生之根嗇而藏之則根深而生長矣長生者視之蒂衛而保之則蒂固而視久矣

外以治人內以事天皆莫若嗇嗇者無所不嗇

有所積，積於無積，故無積。不積，無積，不積，故能無勝。不撓，無勝，不勝，是謂無不治也。無不治，則可以事天矣。人何以知其能然哉？由其有本故也。

治大國若烹小鮮，以道蒞天下。其鬼不神，非其鬼不神。

其神不傷人，非其神不傷人。聖人亦不傷人，夫兩不相

傷，故德交歸焉。

蒞，音利，臨也。視也。傷如勞傷。擾傷謂如其鬼，原不求備於人，而勞擾也。以有道

而不神也。不神之謂不靈，非不靈也。以有神主之也。聖與神同。聖神同，不傷人也。聖神者，均所以治化也。以無爲之道，御民之自然而已。故不以有爲擾傷其天性也。夫鬼神固無爲而洋洋者也。唯聖人亦以無爲而洋洋者也。非仁如天，智如神之謂乎？聖神與民一德，故兩暘時若。太和作而物無疵厲，天扎矣。

第六十章

贊筆以道而無不化育生成者也。聖人體之以無爲，養之以妙有，德合重玄，故

幽明一致與鬼神同安其所安交孚一德以視
臨天下者也夫烝民之於天下猶小鮮之在大
鼎量加調適一任自然火候足時元氣充然而
出夫聖神之於天下非無能爲非無能靈也以
民生之微不可爲而擾之恐不堪其傷也夫兩
不相傷故樸全之德兩相交歸而不居不有民
德歸於

厚矣

蘇註

烹小鮮者不可撓治大國者不可煩煩則人勞撓
則魚爛聖人無爲使人各安其自然外無所煩內

無所恐則物莫能侵鬼無用其神矣非無所用神也
以人從於自然也夫鬼神二氣之良能良能者妙化
也鼓萬物而不與聖人同憂者也唯聖人憂之故體
良能妙化而蒞以無爲自然於無憂也故人鬼安而
各不相傷者由上有聖人也故至
德不德交歸之於蒼蒼冥冥者也

章句
工人數變業則失其功作者數搖徙則撓其事

則數變業者其人彌衆其虧彌大凡法令更則新故
易易之非道則民失常務矣故事大衆而數搖之則
少成功藏大器而數徙之則多敗傷烹小鮮而數抗
之則賊其澤治大國而數變法則苦其民是以有道
之君貴靜重而不變法貴德常而不縱怠故曰治大
國者若烹小鮮夫人失於常治也故致疾而貴醫致
禍而畏鬼以聖人在上也民少欲而疾禍無血氣治
而舉動理是以痊疽勞損之害不作刑罰災禍之患
不侵其何人鬼之相傷乎夫以道蒞天下使民循乎
天理而不悖鬼神安而不相傷也鬼神循乎天理而
不紊人物安而不相傷也由聖人在上以無爲體神
不以有爲傷民故也故曰兩不相傷則德交歸焉
言其上下交盛聖神之化俱歸之於民也

呂註得有國之母以治國雖大無難也烹魚者不可以
煩而烹小鮮者尤當全之而不割者也治大國者
亦若是而已烹而割之則傷矣以道蒞天下者故大
制不割不傷之謂也及其至也則其鬼不神非不神

也。以其神本不傷人而全乎人者也。何以言之。鬼之爲道。非不神也。厥與雜擾而見其神。故君子修之吉。小人悖之凶。唯聖人也。爲能以道蒞天下。吉凶與民同患。故使人不淫其性。不遷其德。無偏喜偏怒。以干陰陽之和。所謂處混茫之中。與一世而得澹漠焉者也。則是聖人本全人於不傷人者也。唯聖人唯能陰陽和靜。鬼神不擾。萬物不傷。羣生不夭。則其神洋洋之盛。如在其兩間。而昭著其靈響而神焉。聖其神焉。而人則默而憑之焉耳。故曰。非不神也。以其全人於不傷。而人不見其神也。使聖人之於人。不能全其樸而傷之。而人失其性。至於四時不至。寒暑之和不成。人之所以傷神者爲多。則神其能不理之乎。夫唯神不傷人。則人歸德於神。人不傷神。則神亦歸德於人矣。故曰。夫兩不相傷。故德交歸焉。

息齋註

聖人之道。充餘爲治。不啻如烹小鮮。雖恢奇譎怪。道通爲一。故其鬼不神。非其鬼不神。使鬼而有神。凡恢奇譎怪。皆化而爲道。道豈有傷人者乎。明

鬼之心交歸焉。非至德其能如是乎。

程俱論

聖人不傷民。固也。而猶之鬼神亦不傷人。何哉。蓋神之於人。均在道。道之於人。猶魚之在水。故不可擾。而魚自安。不可擾者。蓋以自然之道而已。而民之蒙之也。其生也泊焉順矣。其死也寂焉安矣。所以善其生而善其死也。夫善其所生。則與鬼神同順。善其所死。則與鬼神同安。如此尚有崇厲之爲哉。

宏甫註

烹小鮮。攪之則爛。故聖人以無爲治天下者。雖有神姦。無所用之。非聖人能絕之。使不神也。蓋至德符天。至聖同神。夫聖人唯恐其民傷也。憂以保之。固聰明睿知。足以有臨。聖其神之一也。亦何姦之有。而爲之傷民乎。夫有所威福者。卽傷之矣。

大國者下流。天下之交。天下之牝。牝常以靜勝牡。以靜爲下。故大國以下小國。則取小國。小國而下大國。則取

大國故或下以取。或下而取。大國不過欲兼畜人。小國

不過欲入事人。夫兩者各得所欲。故大者宜爲下。大國

者大人之道也。固謙尊而靜勝者也。小國者衆庶之道也。固卑虛而動附者也。而獨以大喻牝者。以其天下之交歸也。下以取者。育德於虛受。自然也。下而取者。法上於虛。冒黽勉也。小國而下者。有當爲下之意。取易足量。以樂附之。易遂。大國以下者。有難爲下之意。取難足量。以兼畜之。難能兼畜者。兼以畜養德教也。入事者。人以事其觀感也。故大者宜爲下。以涵養其所以爲大。

第六十一章

贅筆。道爲天地根。是爲萬物母。雖榮尊於上。而其用每在於下。雖仁慈羣

動而靜勝之德。每處於虛。名雖有天地萬物大小之分。而遂其生成之欲則同。夫爲其根。爲其母。固大者之靜下也。

言猶衆星之拱北也。大國能下，則小國與保之；小國能下，則大國惠懷之。大國下以取人，小國下而取於人。

呂註

大國誠能以謙下，牝交之道，以致天下之交，則牝

自赴下以取德於衆畜者也。小國而下，則大國謙與下而取德於畜衆者也。蓋大國固宜接下，不過欲兼畜人；小國固宜承上，不過欲入事人。下以接德，下而承德，兩者各得其德，而泰交一德，能如是者，大德愈六，而小德致大，故德日裕而其命日新矣。是在大者有以先其德，命也。

息齋註

國大而能降以求物，則物必交歸之；牝以靜而

下物，故牝常勝牡。以大國而下小國，小國歡從；而大德敦化矣。以小國而下大國，大國歡容；而小德川流矣。故大國或下小國以取，小國或下大國而取者，各獲其心之謂也。故大國不過欲畜德以兼懷，小國不過欲入德而事則。夫如是，兩者各得其所欲。孟

老子元翼

卷下

四

子曰以小事大者畏天者也以大事小者樂天者也樂天者保天下畏天者保其國故大者尤宜爲下

吳註

交會也大國者諸小國之交會如水之下流爲天下衆水之交會也此不先動以求牡牡常先動也

以動者煩而靜者逸故曰以靜勝牡以動者仰而靜者俯故曰以靜爲下大者不恃其尊謙虛以下則能致小者之樂附小者自然其卑克虛而下則能致大者之樂育下以取有大而俯順之易下而取有小而仰附之難故大者欲兼畜牧而已小者欲入事長而已夫素位在上者或恐其不能下故曰宜爲下

林希逸註

兼畜入事不可以淺淺置看不過者言無過於爲虛下而不滿之意見於言外故大國小

國二者皆非其自下不可惟能自下則兩者皆得其欲然則知道之大者常以謙下不滿爲宜矣故能成其德量之大此乃一章之結語故凡經意每於天地國家之大而易見者以明道之大大而能化故無行非道則其易見之小者可知矣一經之意往往如此

明德此言最當顧當沈潛翫味而醇互深長體切章明之意自見如元酒之於人不可一啜也

道者萬物之奧善人之寶不善人之所保美言可以市尊行可以加人之不善何棄之有故立天子置三公雖有拱璧以先駟馬不如坐進此道古之所以貴此道者何不曰求以得有罪以免耶故為天下貴

奧音拗猶家之堂

之室室之奧一家之最深邃處為最尊者所處朝聘之享以拱璧駟馬為至貴何設問不曰反詰正言之

第六十二章

贅筆道之奧萬物之所從出為善者之所寶尊而不善者之所尊保也故

有道而尊足尊無道而尊不尊故道之於物子母也物之善否於有道者何棄之有古之所以

貴此道者豈不曰求以得免夫吾之不善而推
以及夫人以免夫不善耶故天子立三公置美
言尊行可市可加而處於
道之奧者也故爲天下貴

蘇註

凡物之見於外者皆其門堂也唯道之於物譬如
其奧物皆有之而莫或由也夫賢者有而知由也

尊行而爲之寶故曰善人之寶愚者有而莫知由也
惑行而爲所保故曰不善人之所保蓋道不遠人而
人則遠之今誠有人美言之則可以市於世尊行之
則可以加於人朝爲不義而夕聞大道妄盡真還雖
欲指爲不善不可得也故於人無棄立天子置三公
所以位乎道物之上者民卓爾瞻焉是效是則不日
免於其非耶故雖拱壁駟馬而進之不如進此道之
爲多也道本在我求則得之道無功罪教則皆善矣

呂註

自天而下自地而上莫非道之奧也故玄渺莫測
萬物處而莫知也萬物之奧道處而物不知也故
深邃燕閒之士知所處而寶所藏焉芒者不知所處

未之思也則有知之良能未嘗須臾去於此也非其所保耶夫言之美者可以市行之尊者可以加人則人無善不善固知其美所美而尊所尊以其有可市可加也而有美尊者而有所棄人耶則不知美者何所美而尊者何所尊耶故有道者之於人如道與之覆載焉無物不生且化成者也於不善何棄之有故立天子置三公雖有拱璧以先駟馬所以享於上者禮之恭幣之重者也然不如安坐而進此道奧則爲貴尊於天下也至矣所以天子三公坐而論者此也

息齋註

奧者至善之所也至美者育藏於此而知者深寶爲良賈焉不知者爲此所保故示以求之以

免夫其罪蓋將從良賈以知夫至寶而寶焉夫寶者根於人之自然而無庸他覓者也故有以知夫此者言依此則其美可市行依此則其尊可加苟非人之自然則言而不從行而不應矣故天子三公有於此者而立於此者也蓋不欲遂棄人於不有還以此有有之而有無不有之人矣以此覺民者天下之貴也

吳註

道之尊貴猶寢廟堂室之奧奧室之西南隅寢廟之制有堂有室室在內故室爲貴室中之制東南

隅曰突東北隅曰室西北隅曰屋漏奧爲尊者所居以居庶民之上者猶夫道之居物之與也故凡民物

皆道之所自出而道之所理也物無美不美而化之以至美人無善不善皆化歸於至善是以居廟堂之

上者三公論之六卿理之百職司之天子則端拱坐進此道使夫天下之善者至善而不善者歸於善矣

葉註

夫婦之愚未有求道而不得一有聞焉雖曩之以爲罪者可以一洗皆空何則蘧伯玉行年五十方

知四十九歲之非非四十九歲之盡非也以五十而道加進矣至行年六十而六十化則道在是矣願無

所庸加而不知止此者則流過而爲譎奇怪妄矣故至道本於自然之天則而已夫謂罪者非之重多也

爲無爲事無事味無味大小多少報怨以德圖難於其

易。爲人。其。用。天下。進。王。公。作。人。易。天下。大。事。公。作。人。

易必多難是以聖人猶難之故終無難

爲作也純甫云人皆有所爲聖

人亦人耳獨無所爲乎但衆人所爲者不知理趣之自然而爲之有爲之事件也聖人體道德之自然而爲無爲之理趣也有無之爲在通與碍之間此其所以異也事所爲之條件也味所爲之理趣也作起也怨而以德德始無瑕常氏曰以至難者修爲至大者道德聖人猶難之者以其條目細而不易晰世味衆而難於處故大小該論之多少也此聖人以無爲而無不爲之道在世而修出世之法也是謂道法雙修

第六十三章

贅筆方將以爲大也其細矣方將以爲易也其難矣是以聖人終不爲大

終易猶難易非忽細非瑣不諾而信戒不難而易親怨者懷德其德乃普此其數大小多少之殊較然矣唯爲無爲事無事味無味者於尋常日用之間猶難之而况輕其非輕易其不易者

而望圖作於至難
至幾之大道乎

蘇註

聖人爲無爲故無所不爲事無事故無所不事味
無味故無所不味其於大小多少一以道遇之故
也蓋人情之所不忘者怨也然及其愛惡之情忘是
非而一至均齊報怨猶之德也管氏之於驕邑可知
已况德至乎世人莫不畏大而侮小難多而易少至
於難而後圖大而後爲則事常不濟矣聖人齊大小
一多少無所不畏無所
不難而安有不濟者哉

呂註

道爲事味視之不見聽之不聞搏之不得雖反覆
尋繹復歸於無爲無事無味而已矣故可以大可以
以小可以多可以少大小多少舉在於我之爲無爲
事無事味無味之中矣故能於天下之善不善皆爲
德善以至於天下之怨不怨皆爲德怨此其道豈易
易爲哉聖人猶難之凡圖大道者於至難處求其至
易至大處求其至細何哉觀夫盈虛消息生死循環

者其於身心作止至親至近處而爲之乎所謂知幾其神君子見幾不俟終日者也夫言行者君子之樞機樞機之發可不慎重於巨細難易之始終乎

息齋註

爲無爲則已不勞事無事則人不煩味無味則物不殘世所謂大小多少者以形言也聖人遊

於形器之外故大小多少等而爲一夫大小多少尙等而爲一又況於恩怨報施之間乎吾所爲所施者惟德而已豈知其有所怨豈知其有所報者哉旣無恩怨報施之別又無大小多少之異其於天下之故豈有心於爲之哉難必由易大必由細自易而慎則難者由易而得自細而重則大者由細而成是以聖人終不爲大而大必歸之者由其無成心而無不誠心也惟其無成心故未嘗先事而期於必得而誠於其事之成豈若淺鮮者未爲而輕諾旣事而多易輕諾則必寡信多易則必多難聖人於事之未至則常若難之非難之也知爲事之難而不可必之尤難故若難之惟其難之故終無難

老子元翼

卷下

吳

筆乘

夫事涉於有形則有大小爲涉於致數則有多少此怨所由起也惟道非形非數而聖人與之爲一

以無爲爲以無事事事以無味味味愛惡情寔聖凡理至樸然安乎真宅而物致之數玄覽爲一屈報之以直矣德而以之矣夫此無爲之事味難而至易大而至細故措於有爲之事味雖至難者待此以爲至大者待此以成豈可以道常之細易而忽之哉學道者亦或有見於此而又以爲大之心奪之故易與細不常爲我有唯聖人自始至終爲無爲事無事味無味而不以世俗所謂難大者難大其心故凡有所遇遂物自然了無留礙而大道之全者爲聖人大成而至者也後世而臻夫大道者行爲甚遠未可謂前無古後無今把斷要津也嗟乎大道之難也非大丈夫見理明用心剛者不能信不能守可輕易道之哉

其安易持其未兆易謀其脆易判其微易散爲之於未

有台之於未亂今包之木生於豪末九或之臺起於累

無爲故無敗。無執故無失。民之從事。常於幾成而敗之。
慎終如始。則無敗事。是以聖人欲不欲。不貴難得之貨。
學不學。復衆人之所過。以輔萬物之自然。而不敢爲。

音脆

萃堅薄者。判開也。破也。未有心未起時。未亂心未染
時事幾。吉凶之治亂也。九成九層也。成則兼功用言。
豪同毫。豪則兼勁意看。大生於細。爲而易散。高起於
下。治而易判。遠始於近。未動易謀。總在於其安。易持
也。其安在於無爲無執。始終慎如。至於不欲不學。誠
至真全。不敢爲而成人不足。不貴奇而復人所過。是
謂全其自然之性。以輔物之自然也。幾平
聲。事道者戒慎乎不覩。不聞之幾成也。

第六十四章

（贅筆）順物自然。易以持。禍福未萌。易
以謀。質脆者易判。聚微者易散。爲於

無事之時治於未形之際慎終如始於幾成無
執無爲民自得奚有敗失奚用巧竒是以聖人
所欲者時中以復衆人之所過所學者任化
以輔萬物之自然而不敢有爲以傷於物也

蘇註

吉凶之微方其未有持而謀之足矣及其將然不
可從者非泮而散之不可也然猶愈於不可從而

從以遺後毀之悔故爲之於未有者上也治之於未
亂者次也木也臺也行也皆由積於近小而成於遠
大者也故治亂禍福之來皆如彼三者聖人待之以
無爲守之以無執故能使福自生禍自滅譬如種苗
時其自然而培植之及秋自穰譬如遇險時知自然
而寬轉之少刻自安世人不知待物之自然以爲非
爲不成非執不留故常與禍爭勝與福生贅是以禍
至於不救福至於不成蓋其使然也聖人知有爲之
害不以人助天終始常因其自然故無不成者世人
心存於得喪方事之微猶有不知而或聽其自然者
及見其幾成而重爲之以故重失之矣則未有不以

欲也。欲而不同於人欲也。故雖欲而不傷於物。非無學也。學而不同於谷學也。故雖學而不害於理。然後能廓然淪通。樸輔萬物之自然。而待其自成矣。

呂註

其安易持。危而持之。爲難矣。其未兆易謀。已動而散。則不可使至於著。物皆然。心爲甚。通諸其心。則於天下國家無難矣。安也。未兆也。則是爲之於未有也。脆也。微也。則是治之於未亂也。合抱之木。生於毫末。大生於小也。九層之臺。起於累土。高起於下也。千里之行。始於足下。遠自於近也。則爲之於未有。治之於未亂。禍福本末。未嘗不如此也。爲之於未有。則是常存。爲於未有之先也。治之於未亂。則是常存。治於未亂之始也。已有而爲之。多事者敗之。已亂而治之。不達者失之。是以聖人爲之於未有。則我固無爲也。故無敗。治之於未亂。則我固無執也。故無失。民之從事。常在於既。有之後。故至於幾成而敗之。以不知其本。然故也。使知大生於小。高起於下。遠始於近。慎終如

始則無敗事也。是以聖人欲不欲，不貴難得之貨，則
滑欲於俗思，以求致其明者，非知此者也。學不學，以
復衆人之所過，以輔萬物之自然，而不敢爲。
則繼性於俗學，以求復其初者，非知此者也。

元澤註

聖人所謂無爲無執者，故未至於釋然都忘也。
但不於性分之外，更生一切耳。且民飽食煖衣，

性所不免，此外更營難得之貨，此乃失本已遠故也。
故聖人常欲不欲，以救其迷，而反之性，常學不學，以
復衆人所過，而虛其中。虛則自然無爲之常道。天然
而懸解者也。所謂攝情歸性，反以相天是也。爲之，則
以人滅天矣。故不敢爲，以任萬物之自化。然則萬物
安乎性命之常，夫豈有脆之可泮，微之可散者哉。

息齋註

聖人常安其所安，故無不安，而持其無所持，故
無不持，以不持持其安也。儻有微心之起，自其

未兆而謀之，自其脆而破之，自其微而散之，故無有
撓其安者。由持其安於未有，治其心於未亂，譬如合
抱之木，生於毫末，九層之臺，起於累土，千里之行，始

一已爲之，卽爲敗之。一已執之，卽爲失之。由其無爲，故無敗，無執，故無失。世之於道，所以難成而易壞者，由其囿於物而爲之執之之咎也。不知自然之常道，爲於此而無爲，勤於此而不勤，慎終如始，故無敗事。此則聖人之欲不欲，學不學也。是以收視反聽，以復衆人之所過，以輔萬物之自然，而不敢爲。夫豈有爲之執之之病哉？

愚註

慎終如始，又承上文終無難與終不爲大。二終字而言，始雖以爲難，至終而不以爲難，始雖不敢以

爲大，至終而不知以爲大，則事幾成而敗於終者有矣。未有明於幾先，持易安而致敗者，未有也。故必慎終如始，始以爲難，而終亦以爲難，始不爲大，而終亦不爲大，則終無敗事也。

劉槩註

欲衆人之所不欲，故曰欲不欲。不欲，衆人之所欲，故曰不貴難得之貨。以其有貴難得之道也。

學衆人之所不學，故曰學不學。不學，衆人之所學，故曰復衆人之所過，以其持中無過也。

古之善爲道者。非以明民。將以愚之。民之難治。以其智多。故以智治國。國之賊。不以智治國。國之福。知此兩者。亦楷式。能知楷式。是謂玄德。玄德深矣。遠矣。與物反矣。

乃至於大順。

楷。模也。式。法則也。下。徹曰深。旁。周曰遠。司馬曰。物情莫不貴智。而有玄德者。獨反智。

爲樸。雖反物之順爲。寔反道之大順也。鑿破混沌。人欲漸開。民之順爲也。復全天真。教民以反。聖人之常道也。古之善爲道者。以此知樸。開爲智。故不以智而示以不智。恐民偷薄也。能以智而反乎不智。全民樸也。知此兩者。亦猶古之善爲道者之楷式也。是謂深玄遠德。有不可見焉者。而後乃能與物反。至於大順。

第六十五章

贅筆。民不患無智。而患其不能無也。不能無。故曰鑿。能無。故曰樸。是以聖

人以博反之道。毋固。毋我。物至而大通。不惑。言

之玄聖素王也

蘇註

古之所謂智者，知道之大全，而覽於物之終始，故足貴也。凡民不足以知此，而溺於小智，以察爲明。

則智之害乎物者多矣。故聖人以道治民，非以明之。將以愚之，使樸耳。樸固無知無欲，而聽上之所爲，則雖有過而失於厚也。苟以智御人，人亦以智應之，智變而爲詐爲欺，則其過失於薄，而去道遠矣。吾之所貴者大德也。大德故簡，物之所貴者小智也。小智故多，大德與小智固相反，而小大之順也亦因是而已。

呂註

古之善爲道者，其政悶悶，故其民淳淳，則推是道也，非以明之，將以愚之也。民之難治，以其智多，則

其政察察者，其民缺缺也。知此兩者，非特施之於治民而已，而於身亦楷式矣。楷式之謂者，蓋卽知子守母之道也。知子守母之謂玄德也，故深矣。遠矣。與物反歸於本矣，能大同而大順矣。

息齊註

夫所謂道者，不在耳目聲色之間，而世人每爲見聞知覺所得，今遽告之曰爾之見聞知覺皆

老子元翼

卷下

七

非也。卽因此而覓於此，出乎爾者反乎爾者也。人孰不怪且笑哉？故道非以明民，將以愚而憐之也。夫民之留碍於此者，不知自解，故吾方示以無爲，示以澹泊，且猶未悟耶？而况欲以智而示之乎？生民之患在於多智，今吾未能以先覺覺之，反欲以增之乎？增之賊之也，故以智治國，國之賊，倘行其所無事，而不開民之機械，則純白備而謂之國福，不亦宜乎？上之所行，下之所效，未有我靜而彼動，我素樸而民多欲者也。故曰：知此兩者，亦楷式於我。楷式於天下也。楷式之謂玄德，故玄德深矣，遠矣，而民莫知其由也。由其與物反矣，故不可以明，由其與道合矣，故謂之大順。

劉仲平註

不以智治國者，開天者也。以智治國者，開人者也。開天則順，順則行其所無事，其政所以

不嚴而治，開人則鑿，鑿則失於太察，其民所以不淳而缺，故曰：以智治國，國之賊，不以智治國，國之福。

江海所以能爲百谷王者，以其善下，故能爲百谷王。是

以事人。以其言下之。欲先人。以其身後之。是以處上而人不重。處前而人不害。是以天下樂推而不厭。以其不爭。故天下莫能與之爭。王也。王之爲言。天下所歸往也。處上聲。下同。不害。不妨碍也。樂。入聲。推。叶吹。聖王之於道德。身行而言符。故必後其身。而下其言。方成道之虛。而愈容。愈重。愈大也。故人不厭其重大也。後其身。非矯也。不前民欲也。故成其爲身之先。下其言。非飾也。以接民情也。故成其爲言之上。上能先之以後下。故天下樂推而不爭。

第六十六章

贊筆江海大之至。使自忘之而善下。其大爲何如。故百谷歸往。以成公聖。

人重之至。使人忘之。而不重。其重爲何如。故天下樂推而不厭。不厭而上下無妨。孰爲妨之。成公而先後無爭。孰爲爭之。故爲重上之先大者。以善後善下而聖王。

蘇註

聖人非欲上人非欲先人也蓋其爲道之高也不

樂推也不待不上且先耳以其道德同而上下忘故

呂註

江海之所以能爲百谷王者以其善下之故能爲

善下之道德同也則能王此道於天下者亦玄同此
德於天下而已玄德者乃聖人所以善下之之道也
莊周以爲以此處下則玄聖素王之道孔子是也以
此處上則二帝三王之道是也在上位之聖人於天
下固上也然以孤寡不穀爲稱而受國之垢與不祥
則以其言以其身下之後之也在下位之聖人於物
固先也然卑身遜物愷悌慈祥緣不得已而後動則
以其言以其身下之後之也夫唯以其言下之則處
上而人無疑戴之者誠矣以其身後之則處前而人
無妨從之者真矣此天下所以樂推而不厭也夫下
之後之所以不爭者也樂推不厭所以莫與之爭者

言下之以其身後之非忘天下者不能也是以處上而民不知其重聖人不自有其重也處前而民不知其害聖人不自有其害也惟其與民渾忘是以天下樂推不厭蓋無爲之爲且不見其朕况之爭乎

天下皆謂我道大似不肖夫唯大故似不肖若肖久矣其細也我有三寶寶而持之一曰慈二曰儉三曰不敢

爲天下先慈故能勇儉故能廣不敢爲天下先故能成器長今舍其慈且勇舍其儉且廣舍其後且先死矣夫

慈以戰則勝以守則固天將救之以慈衛之

肖象也似也夫並音

符長舍並上聲衛護也不肖言似不象大道也慈者仁愛之本儉者畜德之基不敢爲天下先則無所不

虛下無所不承育故仁者能勇畜者能廣能下生者故能上畏也總之慈爲本遂天地之心以邀眷祐也

第六十七章

賢筆道大者不可以方似故人見其似不肖恐竟以不肖而惑不進也故

曰若肖我其久矣細也夫以其大而無可以示人也故曰我有三寶寶而持之乎曰慈儉不敢先也而有以疑其細乎以此而能勇廣能先也今而也舍吾所寶爲而所能乎而恐其死矣吾恐其滯而所途迷而所從也故終示以而慈曰雖至以戰勝守固必將天救慈衛之嗚乎太上之於人也何

不捨如此

蘇註

夫道廓然無形頽然無名充遍萬物而造化之物無以肖之者此其所以爲大也若肖於物則亦一

物耳而何足大哉道以廓然頽然爲大矣其運而爲德則亦悶然似鈍淵然無名若不類於世之賢者夫世之所謂實勇敢肖廣侈夸進銳則吾之所謂慈仁

於其後也。以進銳於一時而廉退展於其先也。夫儉退而慈固具有於樸而爲有器之長也。有長則有屬則勇廣先爲長屬之屬所共爭而嫉之者也。爭而嫉之。所以常近於死。夫以不爭之器長也。以慈愛人人愛以慈以慈衛物。物衛以慈孰不爲之。戰而勝守而固平。則天之將救是人也。爲開其心志使無所不慈無所不衛。全於樸者既多而有於道者漸廣大矣。呂註天下徒見我道之大而謂其似不肖而不知其所以大固似不肖也。何以言之。大道汎兮其可左右無乎不在者也。彼見其無乎不在無可定擬者謂之似不肖而不知其無乎在乃似不肖道之所以爲大也。蓋萬物莫非道也可道也而不可道之常道則道外無物矣。道外無物則無所肖者此其所以爲大也。若有所肖則道外有物矣。道外有物則道有所在而不能無所不在其尙得爲大乎。故曰夫唯大故似不肖若肖久矣其細也。夫蓋我道所以如此之大者以吾無我而不爭故也。夫唯無我不爭故能持人之所

難持。我有三寶。保而持之。一曰慈。二曰儉。三曰不敢。爲天下先。此皆持人之所難持者也。何則。人不能無我。而不爭。故勇而不能慈。廣而不能儉。先而不能後也。則無我不爭。乃其所以能保此三寶而持之也。天下有始。以爲天下母。而我守之。翼育乎物。非慈乎。其行身也。惠而不費。以約爲紀。非儉乎。未嘗先人。而常隨人。不與人共趨也。非不敢爲天下先乎。夫慈爲柔弱矣。而剛強莫與之爭。常是能勇也。儉爲不費矣。而用之不可旣。是能廣也。忠孝友悌。所以事乎長上。皆不敢先之道也。聖人用之以爲官長。是能成器長也。今捨其慈。且勇。捨其儉。且廣。捨其後。且先。則貪戾罔上之徒而已。死不亦宜乎。夫以文武之器長。以觀夫軍旅之事。則愛克厥威。尤罔功。慈若無宜用也。然非慈不恤。不恤。則軍情渙。而功罔從。恤。則唯命從而軍情固。則所以能立威功者。慈而已。故曰夫慈。以戰則勝。以守則固。夫唯慈。故儉。儉。故不敢爲天下先。則慈者。三寶之所自而始也。捨其慈。則死。保其慈。則生。則

我我豈似物乎物似我因我命而大也我似物則我亦物也何有於人道乎凡此三寶者體則爲神爲氣爲精用則爲慈爲儉爲退守此者俗情所謂小其功而至人之所以大其用也慈主於愛愛物仁也老子方語其本故不曰仁而曰慈慈仁之本不假爲者也儉之爲德寡欲也貴本也愛物也一言而三善至者其儉乎孔子曰禮與其奢也寧儉蓋聖人制禮非儉無以將其本非禮無以齊其末孔老聖人之道於是爲至乎不敢先之爲道退是也故天神人相讓以成功善後以爲常於易則謙不滿而皆吉也故聖人寶之慈者不爭而勝勇莫大焉區區以奢侈自廣者狹矣唯無以末傷本無以外滅內者廣矣此聖人之成其樸制者故但爲器長而已若大制不割之道初未嘗在物後也若夫舍其三寶之本而以人滅天以事勝道假使幸免蓋失其所以生矣三寶皆天德而立本者也正如正兵之正師整而不動者也愛民如子則民愛之如父不令而齊矣彼倒戈攻於後以

北者上不慈故也戰守主於殺
伐而尚以慈爲德則餘事可知

韓非解

愛子者慈於子重生者慈於身貴功者慈於事
慈母之於弱子也務致其福務致其福則事除

其禍事除其禍則思慮熟思慮熟則事理得事理得
則功可必功可必則其行之也不疑不疑之謂勇聖
人之於萬事也盡如慈母之爲弱子慮也故見必行
之道見必行之道則明其從事亦不疑不疑之謂勇
不疑生於勇勇生於慈故曰慈故能勇周公曰冬日
之閉凍也不固則春夏之長草木也不茂天地不能
常侈常費而況於人乎故萬物必有盛衰萬事必有
弛張國家必有文武官治必有賞罰是以智士儉用
其材則物富聖人愛寶其神則道盛人君重戰其
國則民衆民衆則國廣是以舉之曰儉故能廣
此假用兵以明道貴在於守慈也以身言之則邪
董註念多於敵國利欲勝於鋒鏑蓋亦歛其瞻視以聽
吾仁武不殺之君整威儀而怖德命惠有邦家而來

善後也。令如是德者。固作如是觀。

夢得註

我自處也。易物無所不濟難。易者慈也。故卽三

今之所急者慈也。則天之將救斯人也。其於慈而衛

乎斯人也。此老氏之所怛然。有期於天下後世者歟。

善爲士者不武。善戰者不怒。善勝敵者不與。善用人者

爲之下。是謂不爭之德。是謂用人之力。是謂配天。古之

極。

善爲士者。服從於健順者也。善戰者。覆乎無情。善勝

者。冒乎無形。不武者。持其志。毋暴其氣。不怒者。氣志

固而定。與不與者。妄犯不較也。是皆善下人之道。是

謂不爭之德。道盛德至。民不忘。而景從。是謂用人之

力。是因不得已。用人之有爲。以配乎天之無爲也。蓋

至爭者。惟兵。故借之以明不爭之德。以明進道步武

之工程。唯仁智之上者。爲能善配古人。之天

則也。羅什曰。心形虛無。孰能與無物者爭。

第六十八章

贅筆善爲士諄矣深矣非大仁者不足稱故仁者之爲春秋之令風行草

偃不怒而威唯仁者唯能無敵也然至道虛下何有於爭惠保予懷功從德彌是謂用人之力是謂配義於天

古之士者之極

蘇註

士當以武爲本而持之以重蓋恃武則輕也若以武行武惟危也聖人不得已而後戰若出於怒是

以我故殺人也天必殃之以吾不爭故能勝彼之爭若皆出於爭則未知孰勝也人皆有相上之心故莫能相爲用誠能下之以道必先知其無爭也故樂夫爲用推是而極之雖古猶是也

呂註

士之爲言事道而以將人爲任者也事道則以不爭而善勝將人則以善下而用人之力二者皆明

不爭之德若然者何所用怒而恃其血氣憑獨夫之易折耶是皆不明夫天之道勝地之道與人道之公而善用也蓋體道者本無爭也因彼之爭而我不得

是謂無我配天。既不以我是謂無我也。亦古之道也。

息齋註

聖人無私於己也。是以無爭。由其無爭。凡所應

物者。皆其不得已也。故為士者。則不武。當戰則

不怒。勝敵而不必與之爭。用人而不必加其土。故能

以德服人。而人亦樂於司命。雖今之士。猶古善士也。

用兵有言。吾不敢為主而為客。不敢進寸而退尺。是謂

行無行。攘無臂。仍無敵。執無兵。禍莫大於輕敵。輕敵幾

喪吾寶。故抗兵相加。哀者勝矣。言也。行。戶剛反。行列也。

仍。再也。五兵戈矛及戟。干說文云。拱手執斤曰兵。幾

平聲。喪。去聲。林希逸云。唯兵事如此。涉世之道亦然。

第六十九章

已

矣

舍乎仁矣。法律化乎行。陳。膂力全於仁。勇。欺敵

吾者。仍守吾仁。是謂執無兵而執有道也。故聖

老子元真

卷下

人迫而後應不得已而後動此固寶吾所保而不敢輕敵也雖有抗兵之加致情有可哀者慈勝矣寶吾慈而無

朕者道勝矣

蘇註

主造事者也客應敵者也進者有意於爭者也退者無意於爭者也苟無意於爭則雖在軍旅如無

臂可攘無敵可因無兵可執而安有用兵之咎耶聖人以慈爲寶輕敵則輕戰輕戰則輕殺人喪其所以爲慈矣兩敵相加而吾出於不得已則有哀心哀心見而天人助之雖欲不勝不可得也

呂註

道之動常在於迫而能以不爭勝其施之於用兵之際故若應世接物之道也而用兵者有言吾不

敢爲主而爲客不敢進寸而退尺則雖兵猶迫而後動而勝之以不爭也而況其他乎何則造事者勞而進驕客應者逸而退靜以逸待勞以退待進以靜待驕皆非所敵也所以爾者道之爲常出於無爲故其動常出於迫而其勝常以不爭雖兵亦猶是故也誠

出於無爲。知主而不知客。知進而不知退。是之謂輕敵。輕敵則吾之所謂三寶保而持之者。幾於喪矣。故曰禍莫大於輕敵。輕敵幾喪吾寶。而勝以慈哀矣。

吳註

此申言用慈之寶而專以兵事喻也。用兵者嘗有

也。進寸難進也。退尺易退也。仍就也。就其時仍不先動。但爲後應。雖爲後應。終不易吾慈。而有以勝乎。不慈者也。故雖行如無行。雖攘如無臂。雖執如無兵。而仍勝敵以慈也。此固非宋襄之似是而非者也。

吾言甚易知。甚易行。天下莫能知。莫能行。言有宗。事有

君。夫唯無知。是以不我知也。知我者希。則我貴矣。是以

聖人。被褐懷玉。

宗者。族之總也。道者。事之總也。則法也。常也。夫音符褐。音合賤者之服。

第七十章

贅筆。唯知之甚易。行之爲難。行之甚易。保其知之行之爲尤難。以其不識言之。

宗事之君是以無知於聖人之言之事也唯知者愈希而大道愈隱矣吁懷宗君至美之聖人被褐於世知之爲奇則之便貴奚必好爲獨貴於塵淪哉

蘇註

道之大復性至命而足推之以盡人盡物之性茂以加矣而性體之妙見於起居飲食之間聖人指

此以示人豈不易知乎人能體此以應物豈不易行乎然世常患日用而不知也知且不能而况行之乎言者道之筌也事者道之迹也使道可以言盡則聽言而足矣可以事見則考事而足矣唯言不能盡事不能見非舍言以求其宗遺事以求其君不可得也蓋古之聖人無思無爲而不自知者存焉此則思應所不及思慮所不及顧非衆人思慮所能知也必有道焉被褐懷王者聖人外與人同而中獨異也

呂註

道法自然其言其行亦希於自然而已則知之行

言之有宗事之有君是以不吾知不吾行也何謂宗

而已矣其有不行者乎惟其宗之與君最切近而人
逐於外而不知務於末而不反是以不常親炙其恩
膏也夫道之所以爲天下貴者以其不可以知知不
可以識識而又不外乎是故能天然懸解者爲天下
貴矣使道而可以淺鮮知識者則又何貴於道之奧
妙哉故曰知我者希則我貴矣奧妙之於人不遠也
蓋卽天殽天解已後是以其道日遠而彌高彌堅矣
士者以奧妙而事天殽天解可也聖人以若辱若愚
之容而大白盛德天下鮮儷者是之謂被褐懷玉

息齋註

道甚易知易行而亦難知難行所謂易知易行
者無道不道無學不學無爲不爲無事不事豈
不甚易知甚易行哉然至道不可道而言語皆非至
學不能學而心動卽僞爲無爲而寂然斷滅者未必
是事無事而應感常住者未必非此其所以爲難而
天下莫知莫行也蓋聖人言有宗事有君故言在此
而義在彼事雖應而志不分也知言之出於宗者則
言之差殊不必問也知事之由於君者則事之差殊

不必疑也。夫唯人之有知而於此無知耶？是以不我知也。夫唯不我知而我為獨貴矣。使人而同我是知而行之也，則於聖人之被懷幾何哉？

宏甫註

吾言甚易知，甚易行，唯其甚易耶？而天下莫能知，莫能行，甚矣人之好為而難行是道也。人之

好奇而難知是言也。何也？以吾言一出於宗，以吾行一制於君，人而惑是故無以知我。此其聖人之道，貴於天下而鮮於人也。

知不知。上不知知病。夫唯病病是以不病。聖人之不病也，以其病病。是以不病。知者能病病，是以不病。聖人之不病也，以其無病耳。淺深當味。

第七十一章

賢筆知，知之為知之，不知為不知，是知也。強不知以為知，是病也。士之於知

有不盡者，故知猶不知。唯出而應乎知，常病其

